



ՄԱՅՐ ԱԹՈՒ ՍՈՒՐԲ ԷԶՄԻԱՃՆԻ
ԿՐՈՆԱԿԱՆ, ՄՇԱԿՈՒԹԱՅԻՆ,
ԼՐԱՏՎԱԿԱՆ ԵՐԿՇԱԲԱԹԱԹԵՐԹ

ԳԱՐԵԳԻՆ Բ ԱՄԵՆԱՅՆ ՀԱՅՈՇ ԿԱԹՈՂԻԿՈՍԻ ՕԾՄԱՆ ԵՎ ԳԱՀԱԿԱԼՈՒԹՅԱՆ 19-ՐԴ ՏԱՐԵԴԱՐՁԸ



ու աշխարհիկ կառույցների առջև: Անցած 19 տարիները եղան ոչ միայն տեսանելի, քարակերտ եկեղեցաշինության տարիներ, որ շատ հաճախ շեշտվում է եւ երբեմն էլ շահարկվում, այլեւ անտեսանելի՝ մարդկային հոգում եւ մտքում հոգեւոր տաճարների շինության տարիներ, անձնվեր ծառայության ու նվիրումի տարիներ՝ որպես օրինակ եւ ներշնչումի աղբյուր հանդիսանալով Հայ Եկեղեցու հոգեւոր դասի եւ մեր հավատավոր զավակների համար՝ խոսքով, վարմունքով, սիրով, հավատքով, ինչպես ասում է Պողոս առաքյալը»,- ասաց սրբազան հայրը:

Պատարագիչ սրբազանը ներկայացրեց Հայոց Հայրապետի 19 տարվա հովվապետության ընթացքում տարբեր բնագավառներում իրականացրած հսկայածավալ աշխատանքները՝ մասնավորապես խոսելով հոգեւորականների պատրաստության առաքելությանը լծված հոգեւոր կրթական հաստատությունների, հայեցի դաստիարակության եւ մանուկների ու պատանիների կրթություն ջանքով հանրակրթական դպրոցների եւ հայորդյաց տների, հայագիտական, կրթական ու ուսումնական հաստատությունների գործունեության մասին:

Սրբազանը մասնավոր անդրադարձ կատարեց Մայր Աթոռ Սուրբ Էջմիածնի կողմից այս տարիներին իրականացված քարոզչական ու սոցիալական բազմազան ծրագրերին, կարիքավորների, որբերի, հիվանդների, զինծառայողների, ազատամարտիկների խնամքին ուղղված ձեռնարկներին, Հայոց բանակում, հիվանդանոցներում, ազատագրված վայրերում եւ խնամատար այլ հաստատություններում կազմակերպված հոգեւոր ծառայություններին:

Ընդգծվեց նաեւ կարեւորությունը այս տարիներին գումարված եպիսկոպոսաց եւ եկեղեցական ներկայացուցչական ժողովների՝ միտված Հայ Եկեղեցու առաքելության առավել արդյունավորմանը եւ եկեղեցական կյանքի կանոնակարգմանը:

Տաթև եպիսկոպոսը նաեւ խոսեց եկեղեցու, հայրենիքի եւ ժողովրդի առջև ծառացած բազմաթիվ մարտահրավերների եւ հարձակումների մասին, որոնցով փորձ է արվում տարատեսակ կեղծիքի տարածմամբ պառակտում առաջացնել հայ ժողովրդի մեջ, խարխուլել եւ սասանել Հայ Եկեղեցու հիմքերը: «Այսօր էլ, ինչպես 1700 տարվա ընթացքում, փորձ է արվում պայքարելու քրիստոսահաստատ, դարերի բովով եւ բազում փորձությունների միջով անցած, թրծված, հայ ժողովրդին հայրաբար իր թեւերի տակ առած եւ սնած, բազմիցս

շնորհիվ իրենց փառահեղ լուծումներն են գտել, եւ իբրեւ ազգ ու եկեղեցի՝ մենք շարունակել ենք պատվով ապրել եւ բարգավաճել: Այդպես է նաեւ այսօր:

...Վեհափառ Տեր, իբրեւ Հայոց Հայրապետ՝ դուք ձեր իմաստությամբ, աշխատասիրությամբ ու խոնարհությամբ բոլորիս ցույց եք տալիս, թե ինչպես հաղթահարել այդ մարտահրավերները՝ Հայ Եկեղեցին առաջնորդելով առավել զորացմամբ: Իբրեւ քաջ հովիվ եւ առաջնորդ ունենալով Ձերոք Սրբությանը՝ Հայոց Եկեղեցին եւ հայ հոգեւորականությունն այսօր շարունակում են իրենց առաքելությունը, որ եղել է եւ կա Տիրոջ փրկչարար խոսքի քարոզչությունն ու լույսի տարածումը, ազգային եւ քրիստոնեական արժեքների պահպանումն ու տարածումը»,- ասաց պատարագիչ սրբազանը՝ փաստելով, որ հակառակ բազում խոչընդոտների ու դժվարությունների, Աստծո կամքով, Եկեղեցին զորանում ու շենանում է նոր եւ կրթյալ սպասավորներով, նորոգվող եւ կառուցվող սրբավայրերով, նոր սերնդի մեջ ազգային արժեքների սերմանմամբ, հավատքի աճով ու նվիրումով:

Քարոզի ավարտին Տաթև սրբազանը Մայր Աթոռ Սուրբ Էջմիածնի ողջ միաբանության, աշխարհասփյուռ հայ ժողովրդի եւ բոլոր ներկաների անունից շնորհավորեց Ամենայն Հայոց Կաթողիկոսին՝ օծման եւ գահակալության 19-րդ տարեդարձի առիթով՝ մաղթելով, որ Աստված անսասան պահի Սուրբ Էջմիածինը, Նորին Սրբությանը շնորհի քաջառողջ երկար տարիներ՝ պարգեւելով անսպառ եռանդ՝ առաջնորդելու իր հավատավոր զավակներին: Սրբազանը հայցեց Բարձրյալի օժանդակությունը Հայոց Հովվապետին՝ ազգաշեն ու եկեղեցաշեն բոլոր ծրագրերի իրագործման համար՝ ի բարօրություն հայ ժողովրդի եւ ի պայծառություն Հայ Առաքելական Սուրբ Եկեղեցու:

Հավարտ սր Պատարագի՝ կատարվեց Հայրապետական մաղթանք: Մայր Աթոռի միաբանությունը եւ հավատավոր ժողովուրդը միասնական աղոթք բարձրացրեցին առ Աստված՝ Նորին Սրբության կենաց արեւշատության, արդյունավոր եւ անսասան բազմամյա գահակալության, ինչպես նաեւ Հայաստանյայց Առաքելական Սուրբ Եկեղեցու պայծառության համար:



ղեցու փառավոր էջերից մեկի կերտման՝ անցյալի արժեւորմամբ, ներկայի ազգաշեն գործերով եւ լուսավոր ապագայի տեսլականով: Հիրավի, Ձերոք Սրբության գահակալության 19 տարվա ընթացքում Հայ Եկեղեցին ապրեց հոգեւոր վերածննդի ու զարթոնքի, բարգավաճման ու բարեփոխումների շրջան՝ շնորհիվ Ձերոք Սրբության ներդրած ջանքերի եւ հետեւողական ու նվիրյալ աշխատանքի: Անցած 19 տարիները Հայ Եկեղեցու համար եղան զորացման, բարեկարգման, եկեղեցաշինության տարիներ՝ առավել ճանաչելի դարձնելով Հայ Եկեղեցին միջազգային եւ համաշխարհային հասարակությունների եւ կրոնական

վիրավորված, բայց կրկին վերածնված եւ զարթոնք ապրած Առաքելական մեր Սուրբ Եկեղեցու եւ իր ազգընտիր գահակալի դէմ: Այր, իրապես զարթոնք, զարթոնք, որ նույնիսկ անգն աչքով նկատելի ու անվիճելի է, եւ դա հատկապես վերջին երկու տասնամյակների ընթացքում, երբ Հայոց Եկեղեցու գահին բազմած է 132-րդ Հովվապետը: Բոլոր ժամանակների Հայոց Եկեղեցու անդաստանում եւ հայ ժողովրդի կյանքում եղել են խնդիրներ, մարտահրավերներ, որոնք ժամանակի հայրապետների, եպիսկոպոսների, քահանաների եւ եկեղեցու, ազգի խնդիրներով մտահոգ անհատների իմաստության ու մտածված գործողությունների



Արարողությանը ներկա էին Մայր Աթոռ Սուրբ Էջմիածնում պաշտոնավարող եպիսկոպոսներ եւ միաբաններ, թեմակալ առաջնորդներ, Գերագույն հոգեւոր խորհրդի անդամներ, պետական այրեր, Մայր Աթոռի բարերարներ եւ տարբեր թեմերից հոգեւոր հովիվների առաջնորդությամբ ժամանած ուխտավորներ:

Տոնական այս օրը Հայոց Հովվապետին այցելեցին նաեւ մշակույթի տարբեր գործիչներ: Տարեդարձի առիթով Մայր Աթոռում ստացվեցին բազում շնորհավորագրեր աշխարհասփյուռ թեմերից, ազգային կառույցներից եւ հասարակական գործիչներից:

ԸՆԴՈՒՆԵԼՈՒԹՅՈՒՆՆԵՐ ՎԵՂԱՐԱՆՈՒՄ

Ամենայն Հայոց Կաթողիկոսն ընդունեց

31 հոկտեմբերի **Ճապոնիայի Նորանշանակ դեսպանին**



Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսն ընդունեց Հայաստանի Հանրապետությունում ճապոնիայի նորանշանակ արտակարգ եւ լիազոր դեսպան Ջուն Յամադային:

Հանդիպմանը Նորին Սրբությունն իր բարեմաղթանքները բերեց դեսպանին եւ հաջողություններ մաղթեց նրան իր առաքելության մեջ՝ կարեւորելով երկու պետությունների միջեւ հաստատված սերտ համագործակցությունը:

Վեհափառ Հայրապետը գոհունակությամբ արձանագրեց Մայր Աթոռի եւ ճապոնիայի դեսպանության միջեւ ձեւավորված սերտ հարաբերությունները՝ գնահատանքով անդրադառնալով Մայր Աթոռի եկեղեցական կառույցների կողմից իրականացվող բարեսիրական եւ մարդասիրական տարբեր ծրագրերին դեսպանատան մասնակցությամբ:

Իր հերթին նորանշանակ դեսպանը հավաստիացրեց Վեհափառ Հայրապետին, որ կանի առավելագույնը՝ երկու ժողովուրդների կապերն առավել սերտացնելու եւ ամրապնդելու գործում:

Դեսպան Յամադան նաեւ Նորին Սրբությանը հաղորդեց Հայաստանի պատմամշակութային վայրեր կատարած իր այցելությունների տպավորությունները: Ձրույցի ընթացքում խոսվեց ճապոնիայում ձեւավորված փոքրաթիվ հայ համայնքի, ինչպես նաեւ Արեւելքում պատմական հայկական ներկայության մասին: Անդրադարձ կատարվեց նաեւ ներհայաստանյան քաղաքական զարգացումներին եւ երկրի առջեւ ծառացած զանազան մարտահրավերներին:

տությունն են այն իրողության, որ Հայոց եկեղեցին մեր ազգի ինքնության եւ գոյության հիմնական երաշխավորներից է: Նորին Սրբությունը հաստատեց, որ հակառակ բոլոր դժվարությունների՝ եկեղեցին եւ հոգետոյ դասն անշեղորեն շարունակելու են իրենց փրկչական եւ ազգապահպան առաքելությունը՝ ի նպաստ հայոց կյանքի պայծառության եւ բարօրության:

Նորին Սրբությունը խոսեց նաեւ ժողովրդի եւ

եկեղեցու առջեւ ծառացած մարտահրավերների մասին՝ նշելով, որ ազգի հոգետոյ զորությամբ եւ միասնականությամբ են դարերի ընթացքում հաղթահարվել բոլոր դժվարությունները, եւ արձանագրվել հաղթանակները: Հայոց Հայրապետի խոսքով՝ այսօր եւս, դժվարությունների եւ փորձությունների դիմակայման ճանապարհին, մեր ազգը պետք է հետեւնալ դառնա նախնայոց որդեգրած այս կեցվածքի եւ փորձառության:

4 նոյեմբերի

Արմավիրի մարզպետին

Ն. Ս. Օ. Տ. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսն ընդունեց Արմավիրի նորանշանակ մարզպետ Համբարձում Մաթետյանին՝ ուղեկցությամբ Արմավիրի թեմի առաջնորդ Սիոն եպս Ադամյանի:

Նորին Սրբությունը նորանշանակ մարզպետին իր բարեմաղթանքները փոխանցեց՝ վստահություն հայտնելով, որ Մայր Աթոռի եւ

յացրեց մարզի տարածքում սոցիալական, կրթական եւ այլ ոլորտներում Մայր Աթոռի եւ Արմավիրի թեմի գործունեությունը:

Իր հերթին պրն Համբարձում Մաթետյանը Նորին Սրբությանը ներկայացրեց մարզում իրականացվելիք առաջնահերթ ծրագրերը, ինչպես նաեւ կարեւորեց տարբեր բնագավառներում Հայոց եկեղեցու հետ համագործակցությունը:



մարզպետարանի միջեւ ձեւավորված սերտ գործակցությունը կշարունակվի արդյունավորվել մոր կենսագործունեությունը:

Վեհափառ Հայրապետը մարզպետին ներկա-

վերջում, իր գնահատանքը բերելով մարզպետին, Ամենայն Հայոց Կաթողիկոսը նրան մաղթեց Աստուծո օրհնության ներքո պատվով իրականացնել իր ծառայությունը:

3 նոյեմբերի

Հայ հեղափոխական դաշնակցության պատվիրակությանը



Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսը Մայր Աթոռ Սուրբ Էջմիածնում ընդունեց Հայ հեղափոխական դաշնակցություն կուսակցության պատվիրակությանը՝ զխավորությամբ ՀՀ-ի բյուրոյի ներկայացուցիչ Հրանտ Մարգարյանին:

Հանդիպմանն անդրադարձ կատարվեց հայրենի պետության առջեւ ծառացած մարտահրավերներին, ազգային-եկեղեցական կյանքը հուզող խնդիրներին, ազգային ինքնության եւ արժեհամակարգի պահպանությանն ուղղված քայլերին: Խոսվեց նաեւ ժողովրդի կյանքում եկեղեցու առաքելության առավել աշխուժացմանն ուղղված ծրագրերի եւ ձեռնարկների մասին:

Մասնավորապես անդրադառնալով վերջին շրջանում Հայոց եկեղեցու դեմ տեղ գտած հար-

ձակումներին՝ տիար Հրանտ Մարգարյանն այս կապակցությամբ վերահաստատեց կուսակցության դիրքորոշումը՝ ամբողջական զորակցություն հայտնելով Մայր Աթոռ Սուրբ Էջմիածնին եւ Ամենայն Հայոց Հայրապետին: Վերջինս ընդգծեց, որ կուսակցությունը, գիտակից Հայ եկեղեցու ազգապահպան եւ հոգետոյ առաքելության կարեւորությանը, շարունակելու է զորավիգ եւ նեցուկ լինել նրան:

Իր հայրական օրհնությունը բերելով հայորդիներին՝ Ամենայն Հայոց Կաթողիկոսը գոհունակությամբ անդրադարձավ կուսակցության կեցվածքին՝ գնահատելով դրսեւորած ոգին եւ գիտակցությունը: Վեհափառ Հայրապետն արձանագրեց, որ ժողովրդի զորակցությունը եւ նախանձախնդրությունը Մայր եկեղեցու եւ իրենց սրբազան հավատքի համդեպ արտահայ-

Ուրուզվահայ ուխտավորներին

Ն. Ս. Օ. Տ. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսը Մայր Աթոռ Սուրբ Էջմիածնում ընդունեց ուրուզվահայ ուխտավորներին:

Հանդիպման սկզբում ուխտավորների անունից շնորհակալության խոսք ասաց «Արաքս» ռադիոկայանի տնօրեն Դիեգո Կարա-Մանուկյանը՝ նշելով, որ հայորդիներից շատերն առաջին անգամ են այցելում Մայր Աթոռ Սուրբ Էջմիածին: Տիար Կարա-Մանուկյանն ընդգծեց, որ յուրա-

քանչյուր ուրուզվահայի փափագն է այցելել Մայր Աթոռ եւ ստանալ Ամենայն Հայոց Հայրապետի օրհնությունը: Իր օրհնությունը բաշխելով ուխտավորներին՝ Վեհափառ Հայրապետն անդրադարձավ Ուրուզվա կատարած հովվապետական այցելություններին, որոնց ժամանակ ականատեսն է դարձել հայ համայնքի հոգետոյ առաջընթացին ու հայապահպանությանն ուղղված նախանձախնդիր եւ ջերմեռանդ գործունեությանը:

Շարունակությունը՝ էջ 3



Ամենայն Հայոց Կաթողիկոսի ցավակցագիրը Յուրի Վարդանյանի ընտանիքին

Նոյեմբերի 2-ին Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսը ցավակցագիր է հղել աշխարհառեշակ ծանրամարտիկ Յուրի Վարդանյանի ընտանիքին:

«Բարեհիշատակ Յուրի Վարդանյանն իր բազմաթիվ հաջողություններով մոր նվաճումներ արձանագրեց մարզական ասպարեզում՝ դառնալով ծանրամարտի բազմակի չեմպիոն, օլիմպիական չեմպիոն: Հաղթանակներ արձանագրելով աշխարհի առաջնություններում՝ նա նշանակալի ձեռքբերումներով հավելեց փառքն ու հեղինակությունը մեր ժողովրդի: Լուսափողի Յուրի Վարդանյանը նաեւ քաղաքական ասպարեզում իր գործունեությամբ ջանաց օգտակարություն բերել Հայաստանի առաջընթացին եւ հայրենի մեր երկրում

սպորտի զարգացմանը: Իբրեւ ՀՀ արտակարգ եւ լիազոր դեսպան՝ իր ավանդն ունեցավ հայ-վրացական կապերի ամրապնդման գործում:

Ցավ է ամենքիս համար արժանավոր հայորդու կորուստը: Հոգեւոյս Յուրի Վարդանյանը, լուսավոր հիշատակ թողնելով մեր ժողովրդի գավակների եւ բոլոր մարզասերների սրտերում, երկային իր կյանքի ընթացքն ավարտելով, փոխադրվում է հավիտենություն՝ ժառանգելու մեր Տեր Հիսուս Քրիստոսի կողմից իր հետ եւ որդներին խոստացված երկնքի արքայությունը», – ասված է Վեհափառ Հայրապետի ցավակցագրում:

Նորին Սրբությունը հայցել է երկնավոր Տիրոջը Սուրբ Հոգու մխիթարություն ու սփոփանք շնորհել ննջեցյալի ընտանիքին, հարազատներին ու մերձավորներին:

Նորին Սրբությունն աղոթեց զոհված զինվորականների հոգիների հանգստության համար

Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսն իր խոր ցավն է արտահայտել Որոտան-Խնձորեսկ ճանապարհին զինվորական մարդատարի ողբերգական վթարի կապակցությամբ:

Նորին Սրբությունն աղոթեց զոհված չորս քաջարի զինվորականների հոգիների հանգստության համար, խորապես ցավակցեց նրանց ընտանիքներին եւ հարազատներին:

Վեհափառ Հայրապետը շուտափույթ ապաքինման իր մաղթանքներն ուղղեց վիրավոր զինվորներին:

Հայոց Հայրապետի օրհնությամբ ՀՀ Զինված ուժերի հոգետոյ առաջնորդը, Մայր Աթոռ Սուրբ Էջմիածնի սոցիալական բաժնի տնօրենը եւ թեմակալ առաջնորդները ամենայն աջակցություն են բերել եւ մխիթարություն են բաշխել զոհված զինվորների հարազատներին: Նրանք այցելել եւ գոտեպնդել են վիրավորված զինվորներին:

Նոյեմբերի 11-ին Մայր Աթոռ Սուրբ Էջմիածնում Վեհափառ Հայրապետի նախագահությամբ մատուցվեց հոգեհանգստյան պաշտոն՝ ի հանգիստ հոգվոց զոհված հայրենյաց պաշտպան զինվորների:

Գերագույն հոգեւոր խորհրդի ժողովը



Նոյեմբերի 30-ից նոյեմբերի 2-ը Մայր Աթոռ Սուրբ Էջմիածնում, նախագահությամբ Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսի, տեղի ունեցան Գերագույն հոգեւոր խորհրդի ընդլայնված կազմով հերթական ժողովի նիստերը:

Ամենայն Հայոց Կաթողիկոսի ողջույնի եւ օրհնության խոսքից հետո որպէս ատենապետեր ժողովը վարելու հրավիրվեցին ԱՄՆ հայոց արեւմտյան թեմի առաջնորդ Հովնաթ արք. Տեր-տերյանը եւ Արեւմտյան Եվրոպայում հայրապետական պատվիրակ եւ Վատիկանում Հայ եկեղեցու ներկայացուցիչ Խաժակ արք. Պարսմյանը:

Մինչ օրակարգում ընդգրկված հարցերի քննությունը խորհուրդը հաստատեց նախորդ՝ 2018 թ. մայիսի 29-ից հունիսի 1-ը գումարված ԳՀՆ ժողովի արձանագրությունը:

Ժողովի առաջին օրը Գերագույն հոգեւոր խորհուրդը քննարկեց առաջիկայում ազգային-եկեղեցական ժողով գումարելու հարցը՝ համաձայն Գերագույն հոգեւոր խորհրդի նախորդ ժողովների քննարկումների արդյունքում կայացված որոշումների: Այս կապակցությամբ զեկույց ներկայացրեց Մայր Աթոռի դիվանապետ Արշակ եպս Խաչատրյանը:

Քննարկումների արդյունքում որոշվեց առաջիկա տարում գումարել ազգային-եկեղեցական ժողով՝ «Հայոց եկեղեցին 21-րդ դարում. ներկա եւ ապագա» խորագրով: Քննության առնվեցին ժողովի օրակարգում ընդգրկվելիք հարցերը:

Ժողովի երկրորդ նիստում եկեղեցի-պետություն հարաբերությունների մասին զեկույց ներկայացրեց Մայր Աթոռի վարչատնտեսական բաժնի տնօրեն Մուշեղ եպս Բաբայանը: Ընդգծվեց անհրաժեշտությունը եկեղեցի-պետություն հարաբերություններն ընդլայնելու կրթական,

մշակութային, սոցիալական, առողջապահական եւ տնտեսական ոլորտներում՝ հուսալի երաշխիքներ ապահովելով մեր ազգային-հոգեւոր անվտանգության եւ հայ ինքնության պահպանության համար:

ԳՀՆ անդամները գոհունակությամբ ընդունեցին զեկույցը՝ թելադրելով Մայր Աթոռի պատկան կառույցներին շարունակել զորացնել գործակցությունը պետության հետ՝ ի խնդիր հայրենիքի պայծառության եւ մեր ժողովրդի շեն ու բարօր կյանքի:

Կոմիտաս վարդապետի եւ Հովհաննէս Թումանյանի ծննդյան 150-ամյակի հոբելյանների առնչությամբ զեկույցով հանդես եկավ Մայր

Աթոռի թանգարանների տնօրեն Ասողիկ քին. Կարապետյանը՝ տեղեկացնելով, որ հոբելյանների կազմակերպման համար ստեղծվել են պետական հանձնաժողովներ՝ Մայր Աթոռի ներկայացուցչի մասնակցությամբ: Գերագույն հոգեւոր խորհուրդը կարելու էր նկատեց, որ իշխալ հոբելյանները պատշաճ ճշվեն նաեւ Մայր Աթոռում եւ Հայ եկեղեցու աշխարհասփյուռ թեմերում:

Ժողովի երրորդ օրը Հայոց եկեղեցու գործառնությունների բարելավման ծրագրի ընթացքի վերաբերյալ զեկույց ներկայացրեց «Դավիդյան» հիմնադրամի նախագահ եւ բարեգործ Ասո Դավիդյանը:

Հարունակությունը՝ էջ 4



Ամենայն Հայոց Կաթողիկոսն ընդունեց Ուրուզվահայ ուխտավորներին

Սկիզբը՝ էջ 2
Ամենայն Հայոց Կաթողիկոսը գոհունակությամբ փաստեց, որ այս գործին նպաստում են նաեւ համայնքում գործող հայկական դպրոցը, ռադիոն եւ ազգային կառույցները: Հանդիպմանն անդրադարձ կատարվեց նաեւ ուրուզվահայ հա-

մայնքում առկա խնդիրներին ու մարտահրավերներին: Վերջում Վեհափառ Հայրապետը ներկաներին մաղթեց, որ ուխտագնացությունը Մայր Աթոռ Սուրբ Էջմիածին լավագույնս արդյունավորվի ուրուզվահայության կյանքում՝ նպաստելով համայնքի հայաշունչ ոգու զորացմանը:

6 նոյեմբերի 22-ում Շվեդիայի Թագավորության Նորանշանակ դեսպանին



Ն. Ս. Օ. Տ. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսը Մայր Աթոռ Սուրբ Էջմիածնում ընդունեց Հայաստանի Հանրապետությունում Շվեդիայի Թագավորության նորանշանակ արտակարգ եւ լիազոր դեսպան Ուրիկ Թիդեստրոմին:

Ամենայն Հայոց Կաթողիկոսը նշանակման առիթով շնորհավորեց պարոն Ուրիկ Թի-

դեստրոմին՝ բերելով իր բարեմաղթանքները: Վեհափառ Հայրապետն ուրախությամբ արձանագրեց, որ երկու երկրների միջեւ փոխհարաբերությունները նոր ընթացք եւ զարգացում են ստանում: Այդ առիթով Ամենայն Հայոց Կաթողիկոսը հույս հայտնեց, որ Շվեդիայի հայ համայնքն ամուր կամուրջ կհանդիսանա երկու ժողովուրդների կապերի առավել խորացման եւ ամրապնդման գործում: Գարեգին Բ Կաթողիկոսն իր գնահատանքն արտահայտեց Շվեդիայի իշխանություններին հայ համայնքի հանդեպ ցուցաբերվող հոգատար վերաբերմունքի համար, ի մասնավոր՝ Մերձավոր Արեւելքից այդ երկրի ապաստան գտած հայորդիների հանդեպ:

Շվեդիայի դեսպանը նույնպես հաստատեց, որ իր կառավարությունն օգնություն է ցուցաբերում երկրում ապաստանած տարբեր համայնքների ներկայացուցիչներին, այդ թվում՝ հայերին: Դեսպան Ուրիկ Թիդեստրոմը նաեւ հետաքրքրվեց տարբեր ոլորտներում Հայ եկեղեցու գործունեությամբ:

Վերջում Ամենայն Հայոց Կաթողիկոսն արդյունավոր առաքելություն մաղթեց դեսպանին՝ ի գործունե հայ-շվեդական կապերի:

Հանդիպմանը ներկա էր Մայր Աթոռի արտաքին հարաբերությունների եւ արարողակարգի բաժնի տնօրեն Նաթան արք. Հովհաննիսյանը:



ներով իրենց նպաստն են բերում 50-ամյա ֆակուլտետի արդյունավորմանը:

Վերջում Նորին Սրբությունը պատասխանեց ներկաների հարցերին, որոնք վերաբերում էին Հայ եկեղեցու պատմությանը եւ ներկա մար-

տահրավերներին ու դրանց հաղթահարմանն ուղղված ջանքերին:

Հանդիպմանը ներկա էր Մայր Աթոռի արտաքին հարաբերությունների եւ արարողակարգի բաժնի տնօրեն Նաթան արք. Հովհաննիսյանը:

10 նոյեմբերի «Եղիցի լույս» մրցանակին արժանացած Արմեն Մեղվեղեկին



Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսն ընդունեց «Եղիցի լույս» մրցանակին արժանացած կինոգետ, արվեստաբան, ՀԽՍՀ արտիստ Արմեն Մեղվեղեկին՝ գլխավորությամբ ՀՀ ժողովրդական արտիստ, «Ոսկե ծիրան» երեսանի միջազգային

կինոփառատոնի հիմնադիր Հարություն Խաչատրյանին:

Ամենայն Հայոց Կաթողիկոսը, ողջունելով հյուրերին, իր գնահատանքը բերեց պարոն Խաչատրյանին՝ հանդիպման նախաձեռնության առիթով: Նորին Սրբությունը կարելու էր արվեստի գործիչների նախաձեռնողի աշխատանքը, որով նպաստում են ներկա եւ գալիք սերունդների կրթությանն ու դաստիարակությանը՝ քարոզելով սեր եւ համամարդկային արժեքներ:

Իր հերթին Արմեն Մեղվեղեկն ուրախությամբ նշեց, որ Վեհափառ Հայրապետի հետ հանդիպումը հնարավորություն է՝ բարձր պարգևի արժանացնելու համար երախտիքի ու խոնարհման խոսքեր հնչեցնելու, ինչի հնարավորությունը չի ունեցել «Եղիցի լույս» մրցանակն ստանալիս:

Հանդիպմանը պարոն Մեղվեղեկը խոսեց Մայր Աթոռ Սուրբ Էջմիածնից ստացած անմոռանալի տպավորությունների մասին՝ նշելով, որ իր համար Մայր Աթոռը հայ ազգի միասնության խորհրդանիշն է:

Հանդիպմանը ներկա էր Մայր Աթոռ Սուրբ Էջմիածնի վարչատնտեսական բաժնի տնօրեն Մուշեղ եպս Բաբայանը, մուլտիպլիկատոր, նկարիչ, ռեժիսոր Գարի Բարդիս, կինոռեժիսոր, սցենարիստ Միքայել Մկրտչյանը:

ԵՊՀ արեւելագիտության ֆակուլտետի պրոֆեսորադասախոսական անձնակազմին եւ ուսանողներին

Ն. Ս. Օ. Տ. Տ. Գարեգին Երկրորդ Ծայրագույն Պատրիարք եւ Ամենայն Հայոց Կաթողիկոսն ընդունեց Երեւանի պետական համալսարանի Արեւելագիտության ֆակուլտետի պրոֆեսորադասախոսական անձնակազմին եւ ուսանողներին՝ գլխավորությամբ ֆակուլտետի ղեկան պրոֆեսոր Ռուբեն Մելքոնյանին:

Ամենայն Հայոց Կաթողիկոսն իր օրհնության խոսքն ուղղեց ներկաներին՝ բարձր գնահատելով ֆակուլտետի գործունեությունը արեւելագիտության զարգացման գործում: Նորին Սրբությունը

մեծապես կարելու էր արեւելագետ մասնագետների պատարաստումը՝ ուսանողներին հորդորելով ուսման մեջ լինել ջերմեռանդ, իսկ հայրենիքին՝ ծառայելու հարցում՝ նախաձեռնողի:

Իր որդիական խոնարհումը եւ երախտագիտությունը հայտնելով Նորին Սրբությանը՝ պրոֆեսոր Մելքոնյանն անդրադարձավ արեւելագիտության զարգացման գործում հոգեւորականությանը նշանակալի դերին, ինչպես նաեւ ֆակուլտետի հետ սերտ համագործակցությանը: Կայսր էլ հոգեւորականները դասախոսություն-

Գերագույն հոգեւոր խորհրդի ժողովը

Սկիզբը՝ էջ 3

Վերջինս լուսաբանություններ տվեց ԳՀԽ անդամներին դեռես 2016 թվականին սկզբնավորված ծրագրի իրականացման հերթական փուլի առնչությամբ:

Ժողովականներն իրենց գնահատանքը հայտնեցին տիար Ասո Դավիդյանին՝ եկեղեցուն մատուցվող օգտաշատ ծառայության եւ կարելու հանձնառության համար:

ԳՀԽ անդամները քննության առան եվրոպայում եկեղեցական կառույցների վերակազմակերպման հարցը: Խնդրի մասին տեղեկություններ փոխանցեց Մայր Աթոռի դիվանապետ Արշակ Եսայ Խաչատրյանը՝ ներկայացնելով Եվրոպայի երկրների հայկական համայնքների համայնապատկերը՝ հայկական բնակչության վիճակագրությամբ եւ եկեղեցական-վարչական կառուցվածքում դրանց կարգավիճակով:

Գերագույն հոգեւոր խորհուրդը ողջունեց Եվրոպայում եկեղեցական կյանքի վերակազմակերպման նախաձեռնությունը՝ ի խնդիր Եվրոպայում ինչպես ավանդական համայնքների, այնպես եւ նորակազմ համայնքների հոգեւոր-եկեղեցական կյանքի պայծառության:

Գերագույն հոգեւոր խորհրդի ժողովն անդրադարձ կատարեց նաեւ վերջին օրերին հանրությանը հուզող՝ **Հայաստանում հաստատված ընտանիքի սրբազան խորհրդով** և **կազմակերպման նախաձեռնությունը** և **հաստատված ընտանիքի սրբազան խորհրդով** և **կազմակերպման նախաձեռնությունը**:

մասնաձեռնությունների ֆորումի կազմակերպման նախաձեռնությունը եւ մտահոգությունն արտահայտեց հնարավոր ոչ ցանկալի զարգացումների վերաբերյալ՝ ընդգծելով, որ **համաստեղանկության վարքագծի գովազդումը սպառնում է ազգային եւ հոգեւոր արժեքներին**:

Քննարկումների ընթացքում Ն. Ս. Օ. Տ. Տ. Գարեգին երկրորդ Ճայրագույն Պատրիարք եւ Ամենայն Հայոց Կաթողիկոսը խնդրի վերաբերյալ ներկայացրեց իր դիտարկումները՝ մասնավորապես նշելով. «*Վերջին օրերին խոր մտահոգությամբ տեղեկացանք համաստեղանկության կողմից Հայաստանում նախաձեռնվող ֆորումի լուրերի մասին, որն առաջացրել է մեր ժողովրդի մեծ վրդովմունքը*»:

Մեր քրիստոսասեր ժողովուրդը դարեր ի վեր կրողն է աստվածօրինյալ ընտանիքի մկրտական գաղափարի եւ պահպանողը ընտանիքի սրբազորված արժեքի: Աստվածա-



հաստատ ընտանիքի սրբազան խորհրդով է շարունակվում կյանքի գոյությունը, կյանքի հրաշագործությունը: Աստված պատվիրաններ ու բարոյականության նորմեր է սահմանել արարչաստեղծ մարդու համար: Այսօր, սակայն, փորձ է արվում բարոյական շեղումները եւ դրանց բացահայտ քարոզչությունը ներկա-

յացնել իբրեւ մարդու իրավունքներ եւ ազատություններ: Քրիստոսի Սուրբ Եկեղեցին համաստեղանկության երեսույթի նկատմամբ իր դիրքորոշումն արտահայտել է՝ անընդունելի հռչակելով այդ կենցաղակերպը՝ իբրեւ մարդկային բնության խեղում, բայց երբեք չդադարելով հովվական խնամք ցուցաբերել եւ կոչ անել այդ մեղքի մեջ հայտնված անձանց՝ սրբազրելու իրենց ընթացքը:

Խստորեն մերժելի են եւ դատապարտելի ԼԳՏՏ ներկայացուցիչների կողմից հասարակության մեջ հրահրումներ առաջացնելու քայլերը եւ համաստեղանկության երեսույթի որեւէ հանրայնացում ու դրա գովազդում, որը գայթակղություն է մեր աճող սերնդի համար եւ սպառնալիք՝ մեր ազգի հարատեւությանը»:

Ժողովն ավարտվեց Ամենայն Հայոց Կաթողիկոսի օրհնության խոսքով: Նորին Սրբությունը մասնավոր իր գնահատանքը հայտնեց ԳՀԽ անդամներին եւ միատեղին մասնակից իրավիճակ եկեղեցականներին՝ կարեւորելով քառօրյա բնագործունեության արդյունքում առնված որոշումները, որոնք պիտի ծառայեն Մայր Աթոռի հոգեւոր առաքելության առավել արդյունավետ իրագործմանը:

Լրատվական Նյութեր՝ Մայր Աթոռ Ս. Էջմիածնի տեղեկատվական համակարգի

Անսահման աղանդավոր ու անսահման հայրենասեր

ՌԱՖԱՅԵԼ ԻՍՐԱՅԵԼՅԱՆ — I I O

«Մենք՝ ճարտարապետներս, բախտավոր ենք, որ ունենք մի հրաշք երկիր, որի ամեն մի անկյունը մի ուրույն աշխարհ է՝ անկրկնելի, անզուգական: Մենք բախտավոր ենք, որ ունեցել ենք համաշխարհային հայրեր, որոնք, որպես մեծագույն շինարարներ, ժառանգել են մեզ իրենց սրտերը՝ դրած քարի մեջ, դրած ժողովրդի միտ ու կացի մեջ:

Ու էլի, մենք՝ ճարտարապետներս, բախտ ունենք, եւ այն էլ մեծ բախտ, շենացնելու Հայաստանը, նրա չնաշխարհիկ բնությունը, հայ ժողովրդին տալու այն բոլոր բարիքները, ինչին ընդունակ է արվեստների արվեստ ճարտարապետությունը:

Մենք մեծ կրքոտությամբ եւ ազնվությամբ պետք է աշխատենք հանուն այդ նպատակի: Մեր ստեղծածը պետք է էլ ավելի բարձրացնի հայ արվեստը, հայ մշակույթը եւ հասնի այնպիսի աստիճանի, որ շատ հեռուներից երևա: Եվ դրան մենք կարող ենք հասնել միայն այն դեպքում, երբ կասենք մեր խոսքը, սեփական խոսքը, հայերեն խոսքը: Դա կլինի, ամշուշտ, ժամանակի ոգով ասված, ժամանակի հարստությամբ հագեցած, բայց անպայման հայերեն ասված. այլ կերպ մենք նորը ասել չենք կարողանա եւ կլինենք միայն ընդօրինակողներ՝ անդեմ, անսկզբունք, անհայրենիք»:

Ռաֆայել Իսրայելյան

Աշխարհի հզոր ու ինքնատիպ ճարտարապետություններից մեկի՝ հայկական ճարտարապետության փառավոր հաղթարշավը Տրդատի, Մանուելի, Մովսիսի, Թամանյանի

յին հայկական դպրոցը: 1926–1928 թթ. սովորել է Վրաստանի գեղարվեստի ակադեմիայի ճարտարապետության ֆակուլտետում: 1929–1932 թթ. ուսանել է Լեհիմգրադի Կոմունալ



«Մարաշ» գինու գործարան

ստեղծարար սխրանքներով չավարտվեց, նոր ժամանակներում՝ 20-րդ դարում, ասպարեզ եկավ նրանց գործը շարունակող մի այլ նվիրյալ՝ Ռաֆայել Իսրայելյանը՝ հայ մշակույթի անմահանումը դեմքերից մեկը:

Ծնվել է 1908 թ. սեպտեմբերի 17-ին արեւելահայոց հոգեմշակութային կենտրոնատեղի Թիֆլիսում՝ հայոց լեզվի եւ գրականության մասնագետ, բանահավաք Սարգիս Իսրայելյանի (Արցախի տարբեր շրջաններում եւ Թիֆլիսում ծավալել է եռանդուն գիտակրթական գործունեություն) եւ ուսուցչուհի Մարիամ Հախնազարյանի ընտանիքում: 1925 թ. ավարտել է Թիֆլիսի թիվ 72 աշխատանքա-

շինարարության ինստիտուտի ճարտարապետության ֆակուլտետում. ավարտել է որպես ճարտարապետ-նախագծող: 1932–1934 թթ. սովորել է Լեհիմգրադի Ի. Ե. Ռեպինի անվան գեղանկարչության, քանդակագործության եւ ճարտարապետության ինստիտուտում, 1934-ին ավարտել է ինստիտուտին առընթեր դիպլոմային նախագծերի նախապատրաստական դասընթացները. «գերազանցությամբ» պաշտպանել է դիպլոմային նախագիծը՝ ստանալով ճարտարապետ-արվեստագետի կոչում: 1936 թ. ավարտել է Ի. Ե. Ռեպինի անվան գեղանկարչության, քանդակագործության եւ ճարտարապետության ինստիտուտի վարպե-

տության կատարելագործման դասընթացները՝ ստանալով ճարտարապետ-նկարչի կոչում: 1936 թ. տեղափոխվել է Երևան: Այդ թվականից մինչ կյանքի վերջն աշխատել է Երեւանի Հայարդնախագիծ ինստիտուտում: 1941–1943 թթ. աշխատել է Հայաստանի պատմական հուշարձանների պահպանության կոմիտեում՝ որպես ավագ գիտաշխատող:

1941–1963 թթ. դասավանդել է Երեւանի պոլիտեխնիկական ինստիտուտում՝ որպես ավագ դասախոս, 1947-ից՝ դոցենտ: 1944–1958 թթ. եղել է «Սովետական արվեստ» ամսագրի խմբագրական կոլեգիայի անդամ: 1950 թ. ընտրվել է Երեւանի քաղաքային խորհրդի պատգամավոր:

Երեւանում, Թբիլիսիում եւ Լեհիմգրադում բացվել են Իսրայելյանի ճարտարապետական եւ գրաֆիկական աշխատանքների ցուցահանդեսները, տեղի են ունեցել նրան նվիրված երեկոներ: Այս տարվա սեպտեմբերի 25-ին ՀՀ քաղաքաշինության կոմիտեի Ալեքսանդր Թամանյանի անվան ճարտարապետության ազգային թանգարան-ինստիտուտում բացվեց Ռաֆայել Իսրայելյանի 110-ամյակին նվիրված ցուցահանդեսը՝ «Իսրայելյան՝ ծանոթ եւ անծանոթ» խորագրով:

Վաստակաշատ արվեստագետն ստացել է բաժնիկ մեդալներ, մրցանակներ, պատվոգրեր, արժանացել Հայկական ԽՍՀ արվեստի վաստակավոր գործչի, Հայկական ԽՍՀ վաստակավոր ճարտարապետի, ԽՍՀՄ ժողովրդական ճարտարապետի պատվավոր կոչումներին:

Իսրայելյանի նախագծերով ստեղծվել են ավելի քան 150 բնակելի, հասարակական, արտադրական եւ այլ բնույթի կառույցներ ու համալիրներ, հուշարձաններ: Հայտնի աշխատանքներն են՝ Սարդարապատի հերոսամարտի հուշահամալիրը եւ թանգարանի շենքը՝ 1968–1978 թթ., Հաղթանակի մոմուները՝ թանգարանը՝ 1950–1967 թթ., հուշարձան Գանգիի ճանապարհին՝ Մասիսի տաճարը (ժողովրդի տված անվամբ՝ Չարենցի կամար)՝ 1957 թ., «Արարատ» տրեստի գինու մառանները՝ 1937–1961 թթ., «Վերածնունդ» հուշահամալիրը՝ նվիրված Բաշ-Ապարանի հերոսամարտին՝ 1979 թ., Մոսա լեռան հերոսամարտի հուշարձանը՝ 1976 թ., Հաճընի 1920 թ. հերոսամարտի հուշարձանը՝ 1974 թ., «Երեւանի արեւմտյան մուտքը՝ Արծիվ շինարար» ուղենիշ-կոթողը՝ 1960 թ., «Վահագն վիշապաքաղ» հուշարձանը՝ 1962 թ., աղբյուր-հուշարձաններ՝ նվիրված Իտալիայի Կարրարա եւ Երեւան քույր քաղաքներին՝ 1965 թ., ուղենիշ-կոթողներ՝ Չվարթնոցի՝ 1954 թ., եւ Գեղարդի՝ 1959 թ., ճանապարհներին, աղբյուր-հուշարձաններ՝ Փարաքար, Բուրաստան, Կաթնաղբյուր, Կարբի գյուղերում, Սիսիանում, Ստեփանավանում եւ այլուր եւ այլն:



աշխատանքներին: Մայր տաճարի Իջման սուրբ սեղանը 1961 թ. վերակառուցվել է ըստ Իսրայելյանի հեղինակած նախագծի եւ քանդակագործման էսքիզների: Նա է մշակել Մայր տաճարի Ավագ սեղանի նախագիծը՝ 1961 թ.:

1965 թ. Հայոց ցեղասպանության 50-րդ տարելիցի կապակցությամբ Վազգեն Ա Ամենայն Հայոց Կաթողիկոսի նախաձեռնությամբ Մայր Աթոռ Սուրբ Էջմիածնի բակում Ռաֆայել Իսրայելյանի նախագծով կանգնեցվել է Մեծ եղեռնի նահատակների հիշատակին նվիրված հուշարձան-խաչքար՝ Հայոց ցեղասպանության զոհերին նվիրված առաջին հուշարձանը՝ խորհրդային Հայաստանում: Էջմիածնի Մայր տաճարի բակի արեւելյան կողմում 1967 թ. Իսրայելյանի նախագծով կառուցվել է «Կաթնաղբյուր» հուշարձանը: Վարպետն իր ներդրումն է ունեցել նաեւ նոր Վեհարանի 1957 թ. վերակառուցման ու բարեկարգման գործում:

Իսրայելյանի նախագծով 1976 թ. վերակառուցվել է Երեւանի Սուրբ Սարգիս եկեղեցին (վերակառուցման անվան տակ կառուցվել է. այն տարիներին լրիվ աներեւակայելի բացմանավանդ Երեւանի կենտրոնում): Եկեղեցու վերակառուցմամբ, ինչպես վերակառուցված եկեղեցու օծման հանդիսավոր արարողության ժամանակ՝ 1976 թ. նոյեմբերի 3-ին, իր կարդացած քարոզում նշել է Վազգեն Ա Վեհափառ Հայրապետը, «...քաղաքամայր Երեւանն օժտվեց մի նոր զարդով, հայկական ճարտարապետության մի նոր կոթողով, աղոթքի սրանչելի նոր սրբավայրով»:

Շարունակությունը՝ էջ 7

ՉԱՐԵՆՅՆ ԻՐ ՄԱՀՎԱՆ ԿՈՒՇՈՒՄՆԵՐՈՒՄ

Սկիզբը՝ թիվ 20

Չարենցն ապրում է իր խանդավառ ոգետությունը առաջին ամսխիթար հուսահատությամբ պահելով:

Կարսն ընկավ, թուրքերը մտել էին Ալեքսանդրապոլի զինամասնի համար դիմեցին պատժիչ միջոցների՝ Երեւանի կենտրոնում կանգնեցնելով կախաղաններ: Կապուտաշյան հայրենիքի առասպելը ինքն էր ցնդում: Եվ Չարենցն ապրեց դասալիքների փոխարեն կախաղանին կախված լինելով՝ մահապարտի իր առաջին ողբերգությունը:

Չոհի, զոհաբերման, մահվան ուղեկից ներկայությունը դարձավ իրողություն:

Երթան հիմա: Ու կարոտով ամսխիթար, Իմ երգիչի երգանքով ու հրերով, Ամիրապետյր իմ օրերի երգով մթար Ու նայիրյան իմ երազի վերջին սիրով,– Երթան մարող ու մարմնող իրիկվա մեջ, Որպես ուրու հալածական, որպես տեսիլ-Տանն պարանոցս կարոտին այն երկնուղեջ Ու օրորվեմ՝ եղերական ու անբասիր... Թող ոչ մի զոհ չպահանջվի ինձնից բացի, Ուրիշ ոտքեր կախաղանին թող մոտ չգան. Եվ թող տեսնեն իմ աչքերի մեջ կախվածի, Իմ բորբ երկիր, լուսապսակ քո ապագան: Թող դուրս ընկած իմ աչքերի մեջ կախվածի Նոքա տեսնեն պայծառ օրերդ ապագա,– Թող ոչ մի զոհ չպահանջվի ինձնից բացի, Ոչ մի ստվեր կախաղանին թող մոտ չգա... (I, 325)

Սա ինքնագոհաբերման խորապես գիտակցված այն վերջին ճիգն է, դեպի որը գալիս էր «Կապուտաշյա հայրենիք» (1915), «Դանթեական առասպել» (1915–1916), «Վահագն» (1916), «Ազգային երազ» (1917), «Հատված» (1918) պոեմներում ապրած հոգեբանական ծանր մղձավանջից հետո: Մի պահ թվաց, թե այդ մղձավանջը կփարատվի, բայց ապարդյուն:

Անհուսալի վիճակը ցավից ծամածռված դեմքին մաեւ խեղկատակի կերպարանք տվեց, ինչը եւս մահվան մի փոխաբերություն է: Ազգային վիճակի ծաղրունձանակը («Ազգային երազ») վերամարմնավորվեց «Փողոցային պչրուհուն» (1920) շարքի բալլադներում («Շամիրամ», «Անկումների սարսափից», «Խեղկատակ»): Ահա խեղկատակի վերածված մահվան դիմակը:

Ես երգում եմ - ակամա: Ի՞նչ էլ երգեմ. կուզեք - սեր, կուզեք - մահ:

Ես - խեղկատակ եմ հիմա... (I, 218)

Այս տեսադաշտում առանձնանում է «Մարիոնետկա»-ն, ինչն ասես «Մահվան քայլերգ» լինի (1927-ին գրեց այդ վերնագրով բանաստեղծություն): Մարիոնետկան մարիոնետն է, այլ կերպ՝ խամաճիկը, խաղատիկնիկը: Այս դեպքում՝ մահվան դերակատարը: Համատարած մահվան մեջ, որ հայոց եղեռնն էր, ասես մեկը մահվան տիկնիկ է խաղացնում: Կշռույթն անգամ քայլերգային է, բայց մահվան, մահվան: Հայերենում քիչ հանդիպող ու դժվար ստեղծվող մաքուր յամբական ոտքեր են: Մահն է քայլում՝ «Գունատ, դեղին, գունատ, դեղին»: «Մեկ վեր, մեկ վար» մեքենայորեն շարժվում են ձեռքերը՝ «Ոտքը խփեց - մեռել, մեռել»: Աստիճանական զարգացումով ամեն ինչ հասնում է մահվան ճիչի:

Ու սուր ճչաց՝ կարծես բռնի Աչքերն անշարժ հեռուն գամած.- Այդպես հոգին պիտի մեռնի - Կաման, կաման, կաման, կաման... (I, 318)

Վերջին տողը մաեւ բանաստեղծության

առաջին տողն է, բանաստեղծական կառուցվածքի այդ ձեւը կոչվում է օղակ, որ այս դեպքում այլ բան չէ, քան կախաղանի պարանը: Այս բանաստեղծությունը՝ գրված 1920-ին, ըստ ամենայնի՝ առաջին «Մահվան տեսիլ»-ի (նույնպես գրված 1920-ին) հոգեբանական նախերգանքն է:

Չարենցի հետագա շրջանի՝ 1922–1933 թթ. ստեղծագործություններում մահվան ուղեկից գաղափարի ու ներկայության ժխտումն է: Դրա արտահայտությունն են «Պոեզիալոգնա» (1922), «Ռոմանս անսեր» (1922), «Երկիր Նայիրի» (1921–1924), «Էպիքական լուսաբաց» (1930), «Գիրք ճանապարհի» (1933/1934) գրքերը, առանձին պոեմներ ու շարքեր:

Մահը հեռացավ, բայց չվերացավ, թաքնվեց մի դարանում եւ այս ընթացքում մեկ-մեկ հիշեցնում էր իրեն, իսկ 1935 թվականից հետո նորից պետք է դառնար տանու հյուր:

Այս շրջանում մահվան ծանր ապրումներ Չարենցն ունեցավ միայն 1926 թվականի սեպտեմբերի 5-ին կալանավորվելուց հետո, հատկապես երբ 1927 թ. 1–2-ի գիշերը՝ Նոր տարվա առաջին օրը, մահացավ կինը: Կնոջ հուղարկավորության ժամանակ եւ դրանից անմիջապես հետո նա ապրել է իր մահը: Այդ մասին գրում են թե՛ հուշագիրները եւ թե՛ ինքը՝ «Հիշողություններ Երեւանի Ուղղիչ տնից» (1927) հուշակնարկում:

Երկրի արթնացման, ազգային վերածննդի հույսը չէր լքում նրան: Մահվան դեմ պայքարելու միակ ճանապարհը դա էր: Խանդավառությունը նախ փոխվեց մորմոքի, հետո արդեն՝ կատարյալ հիասթափության:

Մորմոքի մի ծանր զգացում է իր իսկ մահվան հերթական կռահումը՝ «Օ՛, լսիր, կրքերի ժամտախտը...» (1929) տողով սկսվող բանաստեղծության մեջ: Երեւանի ուղղիչ տանն անցկացրած օրերի արձագանքով, առանձին հանցագործ դեմքերի հիշողությամբ Չարենցը պատկերացնում է իր հերթական մահվան դրվագը: Եվ քանի որ մեկ անգամ արդեն օրորվել էր կախաղանին (առաջին «Մահվան տեսիլ»-ը), իհնձ էլ հարմար է գտնում կախվելը, բայց իրություն մի ծաղրով ու արհամարհանքով՝ ուղղված իրեն այդ հոգեվիճակին հասցրած իրականությամբ:



Օ, քեզ էլ է մահն օրորել եւ քո էլ օրերի միջով անցել են, որպես ուրուներ - Եւ Մաշոն, Եւ Խուժան Խաշոն... Դու հիմա սիրում ես հիշել ցնորքները նրանց մահածին, բայց գիտես, որ մթին մի գիշեր այդ տխուր մարդկանց խփեցին... Եվ դժվար թե, դժվար թե դու էլ

այդ տխուր վախճանից խուսափես, -

միայն թե ես հիմա չգիտեմ՝ քեզ կախեն պիտի, թե՛ խփեն...

Ես կարծում եմ - լավ է կախեն.

իհարկե, օրում դու մի քիչ

ոտներով պիտի խարխափես

Եւ անձայն ճչաս... Եվ թեկուզ

ձգվելու է մարմինը քո նեղ,

փոխվելու է երգեցիկ լաթի,–

բայց գիտես - կախվածները գոնե


լեզու են հանում աշխարհին... («Գիրք մնացորդաց», 2017, էջ 140, այսուհետեւ՝ ԳՍ)

Շարունակությունը՝ էջ 7

ՊԼՇԻ ԽԵԻՐԸ «ԿԱՆՈՆԱԳԻՐԸ ՎՅՈՑ»-Ի Ա ԺՈՂՈՎԱԾՈՒՄԻՄ

Նախ երկու խոսքով ասենք, թե ինչ է իրենից ներկայացնում կանոնագիտությունը: «Կանոն» բառով հայ մատենագրության մեջ դրսևորված են այն որոշումներն ու գրությունները, որոնք շոշափել են ավանդական համակերպության ձևերը, հասարակության անդամների փոխառնչությունները, ապրելու կերպը, քաղաքացիական, քրեական իրավունքի ու իրավաբանական հարցեր: Եվ կանոնագիտությունը ամփոփում է այս ամենը՝ իր մեջ ներառելով ոչ միայն օտար թարգմանական, այլև ինքնուրույն կանոնական որոշումներ: Եվ հարկ է նշել, որ հայ մատենագրության մեջ առնչափ կարեւորելի է Հովհան Գ Օձնեցի Կաթողիկոսի (717–728) կազմած «Կանոնագիրք» կոչվող ժողովածուն: «Կանոնագիրք հայոց» ժողովածուի Ա հատորի մեջ ներառված է 24 կանոնախումբ. 16-ը՝ թարգմանական, 8-ը՝ ինքնուրույն:

Սույն աշխատանքում մենք անդրադարձ կկատարենք այդ կանոնախմբերում առկա **պահքի** թեմային, որը հետաքրքրական է եւ այսօր բավականին արդիական, քանզի պահքն այսօր Հայ եկեղեցու ծիսակարգության անբաժան մասն է կազմում: «Պահք» հասկացությունը բացատրվում է հետեւյալ կերպ. պաս, պահոց օրեր, պահեցողություն, ծոմ, ծոմապահություն, որոշ կրոններում ուտելիքի կամ դրա առանձին տեսակների համար որոշ ժամկետով սահմանված արգելք, կերակուրներից լրիվ կամ մասնակի հրաժարություն: Պահքի արտահայտած մյուս իմաստն ինքնաքննությանն ու խոկունի ժամանակաշրջանն է, հատկապես Մեծ պահոց շրջանը, երբ հավատացյալները ոչ միայն կերակուրներից են հրաժարվում, այլև հեռու են մնում մարմնական հաճույքներից, ապաշխարությամբ ու արդթասանությամբ չափավոր, զուսպ կյանք վարում: Ըստ Հայ եկեղեցու սահմանած կարգի՝ տարվա մոտ վեց ամիսը պահոց օրեր են (*տես՝ «Քրիստոնյա Հայաստան» հանրագիտարան, Եր., 2002, էջ 843*): Ասվածից պարզ է դառնում, թե ինչ նշանակություն է ունեցել հայոց մեջ պահքն ընդհանրապես: Դրա վերաբերյալ բազում կանոններ կան «Կանոնագիրք



հայոց» ժողովածուում: Դրանք վերաբերում են Չատկի (քառասնորդաց) պահքին, հասարակաց պահքին, ուխտադրության պահքին, առաջավորի պահքին: Մեր աշխատանքի նպատակն այդ կանոնների վերհանումն է, դրանք բացատրությունը ու որոշակի բաղա-տական աշխատանք կատարելը: Կարդալով բոլոր 24 կանոնախմբերը՝ մենք գտել ենք մեր թեմային առնչվող կանոնները եւ կկատարենք այդ կանոնների բովանդակային վերլուծու-թյուն ու համեմատություն:

Այսպես՝ մեզ հետաքրքրող հարցի առաջին անդրադարձը «Կանոնագիրք հայոց»-ի Ա ժողովածուում հանդիպում է 547 թ. Ներսեսի ու Ներշապուհի կողմից ասորերենից հայերեն թարգմանված առաքելական կանոնախմբի Ը կանոնում (*տես՝ «Կանոնագիրք հայոց», հատոր Ա, աշխատասիրությամբ Վ. Հակոբյանի, Եր., 1964, էջ 32*), որը վերաբերում է քառասնորդաց պահքին, այսինքն՝ Չատկից առաջ պահվող պահքին: Ավելի հասկանալի լինելու

համար ասենք, որ խոսքը Մեծ պահքի մասին է: Մասնավորապես ասվում է, որ կարգեցին առաքյալներն ու հաստատությամբ դրեցին, որ 40 օր պահք պահեն (հավատացյալ ժողովուրդը) ու մաքրվեն ամենայն չարությունից, մեղքերից ու կերակուրներից մեր Փրկչի չար-չարանքների օրից առաջ: Եվ մաեւ կարգեցին, որ այդ օրերին պետք է կարդալ մարգարեա-կան գրքերը, առաքյալների գրքերը, որոնք պատմում են Տիրոջ չարչարանքների մասին եւ Փրկչի հարության վերաբերյալ զուշակու-թյուններ են:

Անչափ հետաքրքրական է Գանգրայի կա-նոնախմբի ժե կանոնը (*տես՝ «Կանոնագիրք հայոց», էջ 196*), որը, սակայն, որեւէ օրենք չի սահմանում պահքի վերաբերյալ, այլ խո-տում է այն մասին, որ հարկադրաբար մար-դիկ թողնում են իրենց երեխաներին եւ չեն սնուցանում, մինչեւ երեխայի մեծանալը եւ եթե դա անում են վանականության ու պա-հքի պատճառով, թող նզովվեն: Սա չափազանց կարեւոր է, քանի որ տանում ենք, թե ընդ-հանրապես ինչ մեծ տեղ է հատկացված պա-հքին, բայց եթե դա պետք է լինի զոհաբերելով շատուշատ բաներ, ինչպիսիք են, օրինակ, առողջությունը, երեխաների խնամքը եւ այլն, ընդունելի չէ, եւ ավելի է գերադասվում պահք չպահելը, քան պահելը այդ ձեւով՝ ըստ նշյալ կանոնախմբի:

Գանգրայի կանոնախմբի ժԸ կանոնը (*տես՝ նույն տեղում*) վերաբերում է կիրակի օրը չպահելուն եւ այդ օրը որեւէ գործ անելուն: Կանոնի բացատրության մեջ ասվում է, թե եթե ինչ-որ մեկը արհամարհում է կիրակի օր-վա պահքը եւ որեւէ գործ է կատարում, ինչ-պես այլ օրերի ժամանակ են կատարել, թող Աստծո արքայության մեջ հանգիստ չգտնեն, եւ մեծ ժողովը նզովում է մերժում է այսպի-սի արարքը: Սա եւս մի հետաքրքիր դրվագ է, որը վերաբերում է կիրակի օրվա ընթաց-քում պահք պահելուն եւ կիրակի օրը սուրբ պահելուն ընդհանրապես: Հարկ է նշել, որ Գանգրայի ժողովի կանոնախումը «Կանոնա-գիրք հայոց»-ի Ա ժողովածուում առաջինն է, որը նզովք է նախատեսում այս կամ այն վատ

արարքի կամ գործի համար: Ինչպես գիտենք, կանոնները հիմնականում ապաշխարություն էին նախատեսում՝ որպես խրատ, եւ միայն Շահապիվանի ժողովն էր, որ նախատեսում էր պատիժ, իսկ արդեն Գանգրայի կանո-նախմբի որոշումներում մենք հանդիպում ենք նզովքի գաղափարին: Կարելի է ասել, որ այս ժողովի կանոններում բազմաթիվ են մեր թե-մային աղետվող կետերը: Ժժ, Ի, ԻԿ կանոն-ներում եւս հաջորդաբար խոսվում է պահքի մասին, եւ սահմանվում են որոշակի օրենք-ներ: Մասնավորաբար ժժ կանոնում (*նույն տեղում, էջ 198*) քննարկվում է հասարակաց պահքը պահելու մասին, եւ ասվում է, թե եթե ինչ-որ մեկը ցավի ու վշտի, անբարեհաճու-թյան ու ամբաստանության պատճառով չի պահի հասարակաց պահքը, նրան սպա-սվում է նզովում: Ի կանոնը (*տես՝ նույն տեղում*) եւս բավական հետաքրքրական է, քանի որ ասում է՝ եթե մեկը կատարյալ հասակով է, առողջ մարմնով, քրիստոնյա է եւ չի պահում քառասնորդաց պահքը, թող նզովվի: Ինչպես արդեն խոսեցինք վերոնշյալում, պահքը թույլ էր տրվում լուծել հիվանդության, հղիության եւ այլ վիճակներում, երբ առողջությամբ վնաս էր հասցվում: Սակայն եթե մարդ առողջ է եւ իրեն քրիստոնյա է համարում, պետք է պարտադիր պահի պահքը: Սակայն այստեղ խոսենք հո-գեւոր պահքի մասին, քանզի պահքը լինում է երկու տեսակի՝ մարմնավոր ու հոգեւոր: Անչափ կարեւոր է հոգեւոր պահքը պահելը, որովհետեւ մարմնավոր պահքը անիմաստ կլինի, եթե այդ մարդը հայիոյի, վատ արարք-ներ գործի, ընկածին չօգնի եւ բարեգործու-թյուն չանի: Եվ այդ դեպքում մանմնավոր կամ մարմնական պահքը ձեռք կբերի զուտ ձեւա-կան բնույթ: Սակայն այս մեր խոսքով բնավ չենք անտեսում մարմնական պահքի կարեւ-րությունը, ուղղակի հաստատում ենք, որ շատ կարեւոր են մարդու հոգու առողջությունը, հո-գու մաքրությունը մեղքերից եւ հոգու խաղա-ղական վիճակը:

Շարունակելի

ԳՈՐ ԳԱՄԱՅԱՆ

ԽԱՉԱՏՈՒՐ ԱՐՈՎՅԱՆ (1809–1848)

ԱՐՈՎՅԱՆԸ ՀԱՅ ՆՈՐ ԳՐԱԿԱՆՈՒԹՅԱՆ ՀԻՄՆԱԴԻՐ. ՆՐԱ ԲԵՐԱԾ ԳՐԱԿԱՆ-ՊԱՏՄԱԿԱՆ ՆՈՐՈՒԹՅՈՒՆՆԵՐԸ

Սկիզբը՝ թիվ 4–9, 11–12, 15–20

19-րդ դ. առաջին տասնամյակներում դեպի Կովկաս ռուսների առաջխաղացումը հայության շրջանում դարավոր տառապանքներից օգնությամբ ազատագրվելու, քրիստոնյա մեծ տերության հովանու ներքո հայոց անկախ պետականության վերականգնման հույսեր էր արթնացրել: Երեւանի բերդի գրավումից հետո «Օրինվի էն սիաթը, որ ռըսի ոտը հայոց լիս աշխարհը մտավ ու ղզլբաշի անիծած, չար շունչը մեր երկրիցը հալածեց» արտահայտությունը ժողովրդի բնական ցանկությունն էր, որ իրեն բնորոշ անկեղծությամբ արտահայտել է իս. Արովյանն իր հերոսի միջոցով: Նրա աչքի առաջ էին Ներսես Աշտարակեցին ու Յ. Ալամդարյանը Տփղիսում հայ կամավորներ հավաքագրում եւ ուղարկում ռուսական բանակի կազմում պարսիկների դեմ կռվելու՝ Հայաստանի ազատագրության համար: Պատմական պահի թելադրանքով՝ հայերի ազատասիրական բաղձանքը համընկնում էր ռուսական տերության նվաճողական քաղաքականությանը: Երեւանի բերդի գրավումը մեծ հաղթանակ էր դեպի Հնդկաստան ռուսների արշավանքի ճանապարհին: Դա հայերի համար երազած ու իրականացած պատմական նպատակավոր պահ էր, մասնավոր տառապյալ արեւելահայի համար այդպիսի բարեխառություն անհնար է երեւակայել. «Դժոխքի քանդվիլը մեղավորների համար էս գինը չէր ունենալ, ինչ Երեւանու բերդի առնիլը հայերի համար»: Այլ բան է, որ մահմեդական շրջափակման մեջ քրիստոնյա Ռուսաստանի հովանու ներքո հայոց անկախ պետականության վերականգնման՝ Արովյանի եւ մյուս հայ գործիչների սպասելիքները լիովին չարդարացան: Հետագա ռուս-թուրքական պատերազմներում էլ ռուսների հաղթանակով Հայաստանի ազատագրության հույսերը չարդարացան, եւ թուրքական բռնատիրությունից Արեւմտահայաստանի ազատագրության հարցը չլուծվեց՝ չմայած այն իրողությանը, որ տառապյալ հայերը չէին հուսահատվում եւ յուրային ու հարազատ կարծելով՝ Ռուսաստանն այլաբանորեն անվանում էին «Հյուսիսի հզոր արծիվ», «Մեծ քեռի» եւ այլն: Աշուղ-բանաստեղծ Զիվա-

թյան միակ ճիշտ ուղին: Տարակույսները խորացան այնքան, որ 1933 թ. Ե. Չարենցը իս. Արովյանի կյանքի վերջին «տագնապասիրտ» գիշերը պատկերող «Դեպի լյառը Մասիս» պոեմում, ակնարկելով «Վերջ Հայաստանի» վեպում արծարծված ռուսական կողմնորոշումը, իրեն նույնպես կեղծող հարցը բանաձեւեց հատուկ ընդգծումով.

*Ինչ է ասում այդ գիրքը եւ ի՞նչ է բարբառում:
Չուր չէ՞ արդյոք վատնել անհատների իր ծիրքը.
Եվ չի՞ եղել արդյոք իր ողջունած հեռուն
Մի թխարան վատթար, եւ այդ գիրքը՝
Իր արյունով, սրտի յուրաքանչյուր նյարդով,
Իր վերջին ճիգով հորինած...
Չէ՞ արդյոք խեղճության ու սխալի արդյունք՝
Սերունդների երթին ի վնաս...*

Միւտ է եղել իր «երազանքը սուրբ», «ըղձանքը թաքուն» ու նվիրական: Կատարվածը անիմաստ է դարձնում իր ողջ կյանքը եւ սին ու աննպատակ «ամպաշեն մի հարց»: Իրաւահաջորդ հոգեմաշ ծանր խոհերն ի վերջո փարատվում են «հեղեղանման հորդացող» հայ բարբառի առկայությամբ, հայոց լեզվի կարկաչն իսկապես չի ստում.

*Բայց ո՛չ, ի՞նչ էլ լինի - այնուամենայնիվ
Հո չի՞ ստում կարկաչն այս բարբառի...
... Ո՛չ, չի՞ ստում. ահավասիկ գարնան
Հեղեղների նման հորդանում է իր դեմ...*

Գրվելուց շուրջ մեկ դար հետո՝ 1930-ական թթ. մղձավանջային ժամանակներում իս. Արովյանի վեպի խորհուրդն այսպես է ընկալել մեծահամար Ե. Չարենցը, որը աշխարհի մյուս մեծ երեւոյթների՝ Հոմերոսի, Խորենացու, Նարեկացու, Դանտեի, Գյոթեի, Պուշկինի, Էդգար Պոյի հետ միասին իս. Արովյանին համարում էր իրեն բախտակից ու հոգեկից հենարաններից մեկը: Վեպը, իրոք, հայ մոր գրականության մեծ սկիզբն է, Հայաստան աշխարհի փառաբանման, հայոց լեզվի պանծացման եւ հայ ոգու ամենից շքեղ դրսևորումներից մեկը:

Վեպի չափածո հատվածները: Արովյանի գեղարվեստական շարադրանքն առանց այն էլ բանաստեղծական է, որովհետեւ նա շրայրոբն օգտագործել է պատկերավորման արտահայտչական գրեթե բոլոր միջոցները, որով հասել է պատկերածո տեսանելի եւ շոշափելի դարձնելու արվեստի բարձունքներին: Դա անհերքելիորեն երեւում է Հայաստանի սաստիկ ձմեռն ու ամառային անտառների շոգը նկարագրելիս, բնության հրաշալիքները պատկերելիս, ժողովրդական տոնախմբությունները ներկայացնելիս, սիրելի հերոսներին բնորոշելիս ու վիպական գործողությունների մեջ նրանց ցուցադրելիս, ինչպես նաեւ արգահատելի տիպերի՝ Հասան խանի, Նադի խանի, Օբյուզ աղայի տմարդի բնավորության հանդեպ հեղինակային վերաբերմունք արտահայտելիս:

Առաջին տարբերակն ավարտելով՝ Արովյանն ընկալել էր վեպի մի էական պակասություն՝ պատկերվող երեւոյթների նկատմամբ զգացմունքային վերաբերմունքի անբավարարությունը: Որքան էլ հուզական էր նրա արձակը, այնուամենայնիվ չափածո խոսքի եւ մանավանդ

երգվող տեքստի զգացմունքային խորությունն ու անկեղծությունը չէր ունենա: Աղասին, որ «լավ սազ նվագել գիտեր», հեղինակավոր աշուղների պես պետք է նաեւ երգեր տարբեր եղանակներով, ասենք, «Քեշիշ օղլու գունով»: Բացի Գետրոգ Սմբատյանին նվիրված ընծայականից՝ վեպում ընդգրկված չափածո մյուս հատվածները, որ վիպական հյուսվածքում հարաբերականորեն ինքնուրույն միավորներ են, երգվել են այս կամ այն եղանակով, որն էլ հիմք է տվել որոշ մեկնաբանների՝ այն համեմատելու արեւելյան աշուղական սիրավեպերի հետ: Հաճախ էլ հեղինակն իր գլխավոր մտքերն ու հայ «նորահաս սերունդներին» ուղղված պատգամներն ավելի տպավորիչ արտահայտելու համար ներկայացրել է չափածո բանաձեւումներով:



Աղասու արձակ նկարագրությունն անբավարար համարելով՝ Արովյանը հենց առաջին գլխում բերում է նրան նվիրված 9 քառատող տնից կազմված «ժողովրդական» խաղը, որ մարդիկ երգում էին եւ սովորեցնում իրենց երեխաներին.

*Աղասի ջան՝ գլխիդ դուրբան,
Դու ես մեր թագն ու պարծանքը.
Աշխարքս որ բոլոր ման զան՝
Ո՛վ կըլի հատը, դու մեր կյանքը:*

Առաջին գլխի վերջնամասում Սարդարի ֆառաշներին պատուհասելուց հետո վիրավոր Աղասուն նրա առյուծասիրտ ընկերները փախցնում են Ապարանի կողմերը: Անսպասելի այս դեպքը կատարվում է ակնթարթային այնպիսի արագությամբ, որ Աղասու հարազատներն ու բոլոր քանաքեռցիները կարծում են, թե նրան տարել են Սարդարի մարդիկ: Աղասու հարազատների ողբն ու կականը, քանաքեռցիների ցավի ու ափսոսանքի աղաղակը պատկերված են զգացմունքային հզոր շնչով: Սակայն գլուխն ավարտվում է բավական ընդարձակ, 15 վանկանի տողերով, 8 քառատող տներից կազմված այն հատվածով, որ հեղինակի չափածո մշտնջեն է, զգաստացնող համամարդկային կոչը՝ բոլոր ժամանակներում հայության եւ հալածվող մյուս ժողովուրդների հանդեպ գործադրվող անարդարությունների դեմ.

*Վայ էն ազգին, որ աշխարհումն անտեր ա,
Վայ էն երկրին, որ թշնամու գերի ա,
Վայ էն խալխին, որ իր կյանքն ու աշխարհը
Չի պահպանիլ ու հարամու ձեռ կտա:*

Վեպի երկրորդ գլուխն սկսվում է մի չափածո բնաբանով, որը թափանցիկ ակնարկներ ունի նրա պատկերածո եւ հատկապես Երեւանի բերդի մասին: Այս պարագայում չափածո խոսքին հաջորդում է բանաստեղծական հզոր արձակը, որ նույնպես կարելի է չափականի վերածել, մասնավոր նրա Արովյանի արձակն էլ է ռիթմական եւ ունի չափածոյի հատկանիշներ: Ներկայացվող հատվածում պարզապես փայլում է Արովյան նկարագրի մեծ վարպետը:

Գեղարվեստական պատկերի գեղանկարչական հագեցվածության մասին պատկերացումները կարող են ճշգրտվել Երեւանի բերդի սարսափների արվանական նկարագրության օրինակով. «Լեռ քարափի վրա՝ ցից գլուխը բարձրացնում, թամաշա յա անում հանդարտ՝ հազար գլխանի դելի պես՝ **Երեւանու**՝ հազար տարեկան քավթառ, չորս կողմը խանդակով կապած, բրջերով դայիմացրած, սուր-սուր ատամները գլխին շարած, հինգ գազաչափ հաստ պարսպով երկու տակ բռնած, մեկ ոտը **Կոնդուր**, մեկ ոտը **Դամուրբուլաղի** գլխին դրած, մեկ բերանը հյուսիս, մեկը հարավ բաց արած, չորանած գլուխը երկինք ցցած, լեռ փեշերը երկրում փռած, ամամոթ երեսը կոկած, սվաղած, ջուփտ չանգերով Ջանգլի՝ քարոտ, զարհուրելի, սեւադեմ ձորը խտտած, դոշին կպցրած, ամմազ, անլեզու, մարդակեր բերդը, ու դեղնած երեսը հեռու տեղից ծածկում, ագահ աչքերը գետնին քցում, որ միամիտ տեսնողին դիա շուտով խաբի, դիա հեշտ իր ծոցը քաշի ու բիրադի, անձեն, անսաս քաշի, կուլ տա, փչացնի» (*նույն տեղում, էջ 53*): Արձակում էլ Արովյանի զգացմունքները հորդում են հեղեղի պես, չափածոյում էլ:

Հետաքրքիր է, որ ուրիշ հեղինակներ իրենց զգացմունքները չափածո շարադրելիս կաշկանդվել են դիմում արձակի, իսկ Արովյանն այնքան է հմտացած եղել ոտանավոր շարադրանքի մեջ, որ զգացմունքների ու մտքերի հզոր ու անզսպելի հոսանքն արտահայտել է թե՛ արձակ, թե՛ չափածո եւ ոյուրությամբ անցել է մեկից մյուսին: Նկատվում է նաեւ, որ գրաբար չափածոյի մեջ Արովյանն ավելի հմուտ է, քան աշխարհաբարի, որովհետեւ նոր-մոր ձեւավորվող արեւելահայ աշխարհաբար բանաստեղծական լեզուն դեռեւ անմշակ էր եւ ձեռք չէր բերել թունայնական-խա-հակյանական-տերյանական-չարենցյան-շիրազյան-սեւակյան ու սահյանական մակարդակ:

Շարունակելի

Սամվել ՄՈՒՐԱԴՅԱՆ
Բանասիրական գիտ. դոկտոր, պրոֆեսոր



նին, օրինակ, որ 19-րդ դ. վերջին տասնամյակներում եւ 20-րդ դ. սկզբին արեւմտահայության՝ թուրք բռնակալության անօրինակ դաժանություններից ազատագրվելու ժողովրդական իղձերի ու ձգտումների արտահայտիչն էր, իր քերթվածներից մեկում բանաձեւում էր.

*Ո՛չ Ալիասլան, ո՛չ Լենկթեմուր, ո՛չ Չինգիզխան, ո՛չ Բուղան
Չեն կատարել այս տմարդի գայլավայել գործերը,
Հզոր արծվի ահեղ ձենը մինչ չհնչե Հյուսիսից,
Այս անիրավ մարդասպանից չեն ազատվիլ հայերը:*

Կասկածները շարունակվեցին նաեւ հետագայում. ճիշտ էր արդյոք ռուսական կողմնորոշումը, միթե այդ էր փրկու-

ԶԱՐԵՆՅՆ ԻՐ ՄԱՀՎԱՆ ԿՈԱՂՈՒՄՆԵՐՈՒՄ

Սկիզբը՝ էջ 5

1925-ին «ինքնասպանություն» գործեց եսեմինը, 1930-ին՝ Մայակովսկին։ Ռուսաստանին դեմք ու դիմագիծ տվող երկու նշանավոր բանաստեղծները երիտասարդ տարիքում հեռացան կյանքից։ Ինքնասպանությունը պաշտոնական հաղորդագրությունն էր, այսօրվա ուսումնասիրությունները հանգեցնում են պետական սպանության վարկածին։

Չարենցն իրեն տեսնում էր այդ բանաստեղծների շարքում։ Հիասթափությունը հեղափոխությունից, հուսահատությունը երկրի քաղաքական վիճակից խորացել էին։

Հուլիացիները վկայում են, որ 1931-ի ամռանը Չարենցն ինքնասպանության փորձ է արել։ Կտրել է զարկերակը, բայց հասցրել են փրկել։

Մահվան ուրվականն ուղեկցել է նաեւ այլ առիթներով, ինչի մասին գրել է Ռեզինա Ղազարյանը։ Ամսիջապես ինքնասպանության փորձից առաջ Չարենցը Ռեզինա Ղազարյանի հետ վերադարձել է Գոստան Սերոբի տանը կազմակերպված խնջույքից եւ «Երեւան» հայտնացումն ուղեկցին՝ Ռեզինային, ում անվանակոչել էր Ռուլան, ասել՝ պատշգամբի դռան առջեւի ռելսի կտորը բեր, որ այդ երկաթով գլուխս ջարդեն։

Սա իր ամբողջ ներքին դժգոհությունն ու անբավարարվածությունն էր, որ վերածվել էր ինքնառնչնոցման մղծավանջի։

Մահվան ջղաձիգ ապրումները նրան պաշարեցին նաեւ «Գիրք ճանապարհի»-ն կալանելուց հետո։ Մարիետա Շահինյանին հասցեագրված «1. XII. 1933» թվակիր նամակում իրեն համակած հոգեբանական ծանր վիճակի մասին ուղղակի գրում էր. «Չէ՞ որ կարելի է խելագարվել <...>։ Ի՞նչ է սա <...>, եթե ոչ խայտառակություն եւ ծաղր ու ծանակ <...>, 20 տարվա ստաժ ունեցող խորհրդային գրողի <...> համոզւալ։ <...> չէ՞ որ սա խաղ է գրողի կյանքի ու հեղինակության հետ։ <...>։ Պատկերացնում եք, թե ինչ ապրումներ ես պիտի ունենայի այդ օրերին. Չէ՞ որ ես կարող էի սպանել եւ ինձ, եւ իմ ընտանիքը, խելագարվել, եւ ես զարմանում եմ, թե ինչու դա չարեցի։ <...>։ Օգնեցե՞ք ինձ։ Եվ կրկին, վերջին անգամ աղաչում եմ. Օգնեցե՞ք ինձ» («Նորահայտ էջեր», 1966, էջ 268–273, այսուհետեւ՝ ՆԷ)։

1935-ին Չարենցին՝ որպես ահաբեկչի, փետրվար-մարտ ամիսներին ենթարկեցին հարցաքննությունների։ ՆԳՎ-ն արդեն հետապնդում էր նրան։ Հետեւանքն այն եղավ, որ Չարենցը՝ որպես անվստահելի քաղաքացի եւ գրող, հեռացվեց հրատարակչությունից եւ իր «Հայտարարության» քննարկումից հետո՝ նաեւ գրողների միության շարքերից։ Այս ամենը ժամանակին ընկալվեց եւ ներկայացվեց քաղաքական երանգավորումով։

Որպես ահաբեկչի՝ Չարենցի դեմ մեղադրանքն այլ նախապատմություն ուներ, որ «Գիրք ճանապարհի»-ն արգելափակվելու պատճառով ՀԿ(բ)Կ ագիտպրոտի բաժնի վա-



րիչ Լեւոն Արիսյանի կապակցությամբ ասել էր՝ տան, սատկացնես։ Այդ պատճառով նրան մեկ անգամ ստուգել-խուզարկել էին Կենտկոմի հերթապահ ոստիկանները, ինչը խորապես զայրացրել էր եւ դրդել գրելու.

Կոչված եմ ահա այսօր ես Չեկա...

Կարծես թե ուրիշ հերյուրանք չկա,

Որով «օրենքից դուրս» համարեն ինձ...

Մատնում է մի «հիմ բարեկամ» Մակինց,

«Գրողները» ինձ «դուրս են չարտում

Դրաստամատյան Գրական Տնից...»,

Իսկ վերից խանջանն ինքն է հոխորտում,

Թե ինձ «կհանի իմ հիմար քնից...»։

.....

Եի, վաղո՛ւց եմ ես «քնից» արթնացել...

Այդ դրժք եք ավաղ, քնած մնացել...
(ՆԷ, էջ 88)

Կողքին թեք գրել է. «Ուրեմն այսպես... իբրեւ «տեռորիստ»։

Չարենցը մի կողմից հերոսացման սխրանքի մեջ էր՝ «Հերոս եմ ու մարդ!!!», մյուս կողմից՝ մահվան մոտեցող ապրումների։ Հարցաքննությունների օրերը դարձան բանաստեղծությունների վերնագրեր, եւ այդ կապակցությամբ գրեց.

*... Եվ ի՞նչ պատահեց կյանքում արդարեւ,
Որ ձեռքս հանկած, հոժար, ինքնիրեն,
Իմ գրած բոլոր տողերի վերեւ
Չոր թվականներ սկսեց գրել...
Եվ վերնագրերն այդ տվորական,
Որ բառեր էիմ՝ գրված թանաքով,–
Խորհրդանիշեր դարձան մոգական՝
Ինչպես խաչն առաջ – մահի մշամակող։
(«Ամտիպ եւ չհավաքված երկեր», 1983, էջ 147, այսուհետեւ՝ ԱՉԵ)*

Վերնագրված է «26. VIII. 1936»։ Այսպիսի թվային վերնագրեր էլի կան։

Չարենցի մահվան մորմոքները խորացան եւ արտահայտվեցին «Դոֆինը մայրիական» սոնետների շարքում (29. VII, XI. 1936)՝ գրված ՀԿ(բ)Կ Կենտկոմի առաջին քարտուղար Աղասի Խանջյանի սպանության կապակցությամբ, Նարեկացուն ոգեկոչող տետրապոիքոսի սոնետներում՝ «Ի խորոց սրտի խոսք ընդ Աստուծո», աշման երգերում՝ «Վերադարձ աշուն», «Աշման երգ» (նույն վերնագրով երկու տարբեր գործ), «Այս աշունը...», «Աշունը, ախ...», «Նույն երգն է կրկնում աշունը...», «Ցուրտ է, աշուն է...», «Շաչուն է այս աշման քամին...»։ Ավելի վաղ գրած «Աշուն է նստել սեղանիս» (1928), «Չարմանալի աշուն» (1931) գործերում երանգներն այլ են։ Վերջինում՝ «Շրշուն աշունն այսօր ինձ գործ ու կյանք վսեմ // Եվ ոչ թե մուժ, ու մահ, ու անկում է գուժում...»։ Իսկ հետո արդեն աշման սառը շունչն է՝ որպես մահվան գույժ։

Ամճակվան երգերում՝ «Հուսահատության ժամերին իմ այս...», «Տխրությունը մեր անդեժ...», «Շնորհակալ եմ, Տեր...» («23.X. 1936», ըստ ԳԱԹ ՉՖ բնագրի՝ «22.X. 1936»), «Վերջին աղոթք», «Անվերնագիր», «Իմ լեռան աղոթքը», «Սեւ կախաղան», մայրամուտի երգերում՝ «Մայրամուտը» (4 գործ), «Մայրամուտի երգ», «Մայրամուտներ», «Մայրամուտային»։ Ազգային խոհերում՝ «Որպես գորշ, դեղին տերեւներ», «Խոհ», «Կոմիտասի հիշատակին»։

Իսպանական շարքում՝ «Իսպանիա», «Օ՛, պատմություն, օ՛, կյանք իսպանական», «Կրկին, կրկին, Իսպանիա...», «Արշավում է եւ քո, եւ աշխարհի վրա...»։

Չառանցական մղծավանջներում՝ «Չառանցանք», «Էկլեզիաստես», «Չառանցանք զառանցանքում», գրական հարաբերությունների անդրադարձներում՝ «Պոետի վիշտը», «Տխուր կարուսել», «Իջել է այսօր Հելիկոնն ամբողջ», «Եվ թող վերջին անգամ...», «Այսպես-նախքան իջնի վարագույրը...», «Նայիրյան օրիորդներին», հակասալիկյան մեքկացումների ու առանձին բանաստեղծությունների մեջ՝ «Հուզումների լեզուն», «Թմբուկ եմ խփում...», «Ցնծություն է, ծիծաղ...», «Ինչ որ հույս էր», «Հոտ է գալիս կրկին արյան», «Կեսօր», «Բարձրավիզ կոչիկներ հագին...», «Միջնադարյան կացին»,

«Թիֆլիսցի կինտոն»։ Այս բոլոր գործերի մեջ մահվան ուրվականն է, որ հայտնվում է ամեն տեղ, որ իրենով լցրել է տարածությունը, որ հետապնդում է բոլորին եւ սեւ կախաղանի օղակն օրեցօր ավելի է սեղմում բանաստեղծի պարանոցին։

Մահվան խորհրդանշանները շատ են՝ սկսած զառանցանքի մեջ հայտնված հոպիտից, մինչեւ արեգմացյալ կացին եւ «մահ» բառը մահվան շուրջապար դարձնող «մ» տառերի բաղաձայնույթը։

Ահա հոպիտը («Չառանցանք», 1935).

*Ատամնաթափ մի մարդ, գանձը նման կապկի,
Նստել էր կոկորդիս եւ ինձ խեղդում էր...
Թույն էր թորում նա իմ գիշերային շապկին–
Եվ անունը նրա... «Բնքշություն» էր...
(ԱՉԵ, 95)*

Ահա մահվան շուրջապարը («Մայրամուտ», V. 1937).

*Մառ, մորմոքում է մայրամուտը,
Մահվան մոխիր է մովից մաղում,–
Մեռնում է մութը մթնշաղում,–
Մառ մորմոքում է մայրամուտը։–
Մոտրումներս մահ եմ, մութ եմ,
Մոխրե մութեր եմ միայն մխում,–
Եվ մորմոքում է մայրամուտը,
Մահվան մրուր է մովից մաղում...
(ԱՉԵ, 247)*

Ոգեղեն հաղթանակներով հանդերձ՝ Չարենցն զգում էր, որ պարտվեց։ Իրականության լծակները քաղաքական հանցագործների ձեռքում էին։ Ինչքան պիտի գլուխը խփեր պատին եւ ձեռքը զարկեր սուրսայր հերյուրին, որին ժողովուրդն ասում է բիզ։ Իր եւ իր նմանների ժամանակը չէր։ Ժողովրդի բանաստեղծը հռչակվել էր ժողովրդի թշմամի եւ ընդդիմադիր բանաստեղծ։ 1936 թ. դեկտեմբերի 10-ին գրեց.

*Մեզ գլխատում են մինչեւ հիմա՝
– Հանուն ոսկու, արյան կամ հավատի,–
– Հանուն կամքի մեր պիղծ ու դավադիր,
Հանուն ոխի՝ տանող մինչեւ ի մահ...*

*Մեզ գլխատում են մինչեւ հիմա՝
– Հանուն ցեղի՝ ընդմիշտ մեզ թշնամի,–
– Հանուն միմարեի՝ ընդդեմ ժամի,
– Հանուն կյանքի՝ մեր մեջ տեսնելով մո՛ւժ ու մահ...*

Հաջորդ օրը՝ առավոտյան, ավելացրեց.

*Այլեւ ինչ մնաց քեզ՝ խնդրելու կյանքից,–
Օ՛, անհանգիստ իմ սիրտ ու անկարող,
Ախ, խոնջեմքի՛ միայն անձրական կարոտ,–
Խաղաղության անխոհ,– մահվան հանգիստ...
(ԱՉԵ, 199, 200)*

Շարունակելի

Դավիթ ԳԱՄԴԱՐՅԱՆ
Բանասիրական գիտ. դոկտոր, պրոֆեսոր



Եղեռնին նվիրված հուշարձան-խաչքարը Մայր Աթոռի տարածքում

րաբերմունքն ու խոնարհումը այս կամ այն պատմական իրադարձության, հայ ժողովրդի ճակատագրի ու ապագայի, ազգի մեծերի նկատմամբ։

Շարունակելի

Հրաչյա ԲԱՆՈՅԱՆ (ԱՐՄԵՆՅԱՆ)
Բանասիրական գիտ. թեկնածու

ԱՆՍԱՀՄԱՆ ՏԱՊԱՆՈՂԱՎՈՐ ՈՒ ԱՆՍԱՀՄԱՆ ԽԱՅՐԵՆԱՍԵՐ ՈՒՆԵՆԵՐԻ ԻՄԻՋԵՆԵՆՆԵՐԻ — I I O

Սկիզբը՝ էջ 4

Ռաֆայել Իսրայելյանի նախագծով ու առաջարկությամբ է վերանորոգվել ու վերակառուցվել Երեւանի Սուրբ Հովհաննէս Սկրտիչ եկեղեցին՝ 1973 թ.։ Վաղահաս մահը, ցավոք, զրկեց վարպետին իր նախագիծ-առաջարկն ավարտին հասցնելու հնարավորությունից։ Ավելի քան տասը տարի անց նախաձեռնվեցին գործնական քայլեր եկեղեցու հիմնական վերանորոգման ու վերակառուցման ուղղությամբ։ Իսրայելյանի նախագիծն ու առաջարկը կյանքի կոչեցին նրա որդին՝ ճարտարապետ Արեգ Իսրայելյանը եւ ճարտարապետ Բաղդիկ Արզումանյանը։ Իսրայելյանը մասնակցել է Սուրբ Հռիփսիմե եկեղեցու վերանորոգմանն ու բարեկարգմանը (ջահն ու աղբյուրը)՝ 1957 թ., իր ավանդն է ունեցել նաեւ 1961 թ. Օշականի եկեղեցու բարեկարգման աշխատանքներում։ Հայրապետական «Հայկաշեն» ամառանոցի շենքը նախագծողը եւս Ռաֆայել Իսրայելյանն է՝ 1971թ.։ Նրա նախագծերով կառուցվել են Սուրբ Հռիփսիմե եկեղեցու բակի աղբյուրը՝ 1958 թ., Գեղարդի վանքի համալիրի աղբյուրը՝ 1959 թ., Սուրբ Գայանե եկեղեցու բակի աղբյուրը՝ 1972 թ.։

Իսրայելյանական տաղանդից բաժին է հասել նաեւ Սփյուռքին. նրա նախագծերով են

կառուցվել Միլանի հայոց Սուրբ Քառասուն մանկանց՝ 1958 թ., Նյու Յորքի Սուրբ Վարդան՝ 1968 թ., եւ Սոնտեվիդեոյի հայոց՝ 1968 թ., եկեղեցիները։ Եվ Հայաստանում, եւ արտերկրում կառուցված եկեղեցական շինությունները կրում են թե՛ տվյալ տեղին հատուկ եւ թե՛ Հայ Առաքելական եկեղեցուն հարիւր կերպար՝ արտահայտելով իսրայելյանական ոճը։

Գիտության մեջ ընդունված տեսակետի համաձայն՝ Ռաֆայել Իսրայելյանի գործերին հատուկ են կոմպոզիցիոն բազմազանությունը, ձևերի եւ մանրամասների գեղարվեստական հարստությունն ու բարձր ճաշակը, նորարարական շունչը եւ վառ անհատականությունը։

Իսրայելյանը մեծ վարպետ էր ինչպես մոնումենտալ, հերոսական կառույցների ու շինությունների եւ ոչ պակաս մոնումենտալ հուշակոթողների, այնպես էլ ճարտարապետական փոքր ձևերի, կիրառական արվեստի մուշների, հուշարձան-աղբյուրների. ողջ Հայաստանով մեկ սփռված են նրա՝ մեծ մասամբ առանց որեւէ պարզեւավճարի (նա ընդհանրապես մեծ մասամբ ստեղծագործել է առանց վարձատրության) կառուցած աղբյուր-հուշարձանների։ Ճարտարապետական փոքր ձևերի մեջ (աղբյուր-հուշարձաններ, հուշակոթողներ) Իսրայելյանը չգերազանցված վարպետ

է եւ այդ մոռացված ուղղությամբ հարություն տվող։ Նա հիմքը դրեց աղբյուրի ճարտարապետական այն տեսակի, որը պահպանելու էր մեր ժողովրդի գոհված զավակների հիշատակը։ Աղբյուր-հուշարձանը՝ իբրեւ ճարտարապետական կառույցի տեսակ, կապվեց նրա անվան հետ։

Իսրայելյանի աշխատանքներին շատ հատկանշական են արձանագրությունները։ Նրա շինությունների վրա կարելի է հանդիպել ժողովրդական առանձների, հայտնի բանաստեղծությունների հայրենասիրական տողերի, օրինակ՝ հանճարեղ Չարենցի «Ես իմ անուշ Հայաստանի» ստեղծագործության տողերը, ինչպես ինքը՝ Իսրայելյանն էր ասում, «Մասիսի տաճարի» կամարի եզրով մեկ՝ «Աշխարհ անցիր, Արարատի մման ճերմակ գագաթ չկա /Ինչպես անհաս փառքի ճամփա՝ ես իմ Մասիս սարն եմ սիրում»։ Այս վիմագիր արձանագրությունները վկայում են տարբեր իրողությունների, նաեւ տվյալ վայրում տեղի ունեցած պատմական իրադարձությունների մասին, ազգային իմաստություններ են փոխանցում սերունդներին, ունեն խրատական բնույթ։ Արձանագրություններում հեղինակը ոչ միայն իր մտքերն ու պատգամներն է հղում գալիք սերունդներին, այլեւ հայտնում իր վե-

ՏԻՐՈՋ ՎԵՐՋԻՆ ԱՂՈԹՔԸ ԿԵՐՊԱՐՎԵՍՏՈՒՄ

Սկիզբը՝ թիվ 5, 17–18

Վերածննդի շրջանի նկարիչներն իրենց «Գեթսեմանիի աղոթքը» կտավներում հիմնականում տուրք են տվել ավետարանական սյուժեի՝ կերպարվեստի լեզվով վերապատմելուն՝ կարեւորելով ոչ միայն աղոթող Տիրոջը՝ հնարավորինս ընդգծելով Նրա՝ խաչի վրա մահն ընդունելու



Ալբրեխտ Դյուրեր (1471–1528)

նախընթաց հույզ ու ապրումների, սպասվող մարմնավոր տանջանքների, մարդկային բնությանը բնորոշ հոգեկան ծանր տվյալներին ողջ լարվածությունը, այլև բնով անցած առաքյալներին, հաճախ նաեւ հրեշտակին, որն «ուժ էր տալիս Նրան», Հիսուսի հետեւից եկող զինվորներին եւ, ըստ իրենց պատկերացումների, Գեթսեմանիի այգու տեղանքին՝ ժայռապատկերներով ու ձիթենիների պուրակով, հեռվից երեւացող շինություններով եւ այլ ատրիբուտներով։ Որոշ նկարիչներ, միտումնավոր կերպով, աղոթող Տիրոջ հետ առաջին պլան են բերել նաեւ քնած առաքյալներին՝ Պետրոսին, Հակոբոսին ու Հովհաննեսին (Ջովաննի Բելլինի, Սանդրո Բոտիչելլի, Լեոնարդո Բասսանո, Գուստավ Դորե եւ այլք)։ Այս մոտեցումն առաջին հայացքից կարող է թվալ հորինվածքային լուծումն ընդունող տարբերակ՝ նկարի կենտրոնը կոմպոզիցիայի առանցքը դարձնելու ընդունված միտումով։ Սակայն՝ դա առաջին հայացքից։ Հիշենք՝ աղոթքի մատուցող առաջ ինչ ասաց Տերը աշակերտներին. «Հոգիս տխուր է մահու համար, այստեղ մնացեք եւ ինձ հետ հսկեցեք» (Մատթ. Իձ 38)։ Սա մշակակում է, որ եթե Հիսուսը, լինելով Աստծո Որդի, կարող էր ունենալ հոգեկան ապրումներ, ինչու չէ՞ նաեւ վախ, այսինքն՝ մարմնավոր թուլություն, ապա որքան տկար պիտի լինեին առաքյալները՝ մանավանդ հորհրդավոր ընթրիքից հետո, երբ տեղի ունեցած խորհրդապաշտական արարողությունների իմաստը լիովին չէին ըմբռնել եւ բնականաբար հոգեկան տվյալներին մեջ էին։ Նրանք միմյայն մարդու որդիներ էին եւ դեռեւս լցված չէին Սուրբ Հոգով՝ չնայած այն բանի, որ հենց նրանք էին անսակարկ ընդունում Ուսուցչի՝ Աստված լինելու հանգամանքը (տես թերթի թիվ 5)։ Նրանց համար դեռեւս անհասկանալի էին Ուսուցչի՝ «...եթե չուտեք մարդու Որդու մարմինը եւ չըմպեք Նրա արյունը, ձեր մեջ կյանք չեք ունենա» խոսքերը (Հովհ. Զ 54), եւ ընդամենը փորձում էին այսպես մտորել. «Խիստ է այդ խոսքը. հիվանդ է այն լսել» (Հովհ. Զ 61)։ Հետագայում՝ Տիրոջ հարություն առնելուց եւ հոգեզախտից հետո, տեսանք, թե ինչպես այս երեք շափերտներն էլ արթնացան «քնից», «զգեստավորվեցին» Սուրբ Հոգով եւ արիաբար մարտահրավեր նետելով հո-

գետր տկարությանը՝ դարձան Տիրոջ խոսքի անկոտրում քարոզիչներ, իրենց Ուսուցչի պես անսակարկ տարան հետապնդումները, նվաստացումները, բանտ ընկան, աքսորվեցին եւ վերջապես մահւ խաչ ելան (Պետրոս), գլխատվեցին (Հակոբոս)՝ բացառությամբ Հովհաննեսի, որը, ինչպես գիտենք, այլ առաքելություն ուներ. նա պիտի հոգ տաներ Տիրամոր մասին եւ պիտի դառնար Ավետարաններից մեկի եւ «Հայտնության» հեղինակը։

Այս ամենը նկատի ունենալով է, որ նկարիչները քնած առաքյալներին փորձել են բերել առաջին պլան՝ ասելու համար, որ պատահական չէր, որ Տերը նրանց էր վերցրել իր հետ, քանզի նրանք էին, որ ավելի ուշ պիտի կարողանային «այո» պատասխանել Ուսուցչի հարցին, թե «...կարո՞ղ եք խմել այն բաժակը, որ ես խմելու եմ...»։

Դժվար է թվարկել այն բոլոր մեծանուն նկարիչներին, ովքեր փորձել են անդրադառնալ ավետարանական այս թեմային՝ ըստ իրենց ընկալումների, զգացումների, ապրումների, մեկնումների։ Համարյա բոլորը մահից առաջ աղոթող Տիրոջ կերպարի մեջ բնականաբար տեսել են մարդ արարածին, Նրա հոգեվիճակը, Նրա ճակատագիրը, երբ դժվար ու դժնդակ պահերին լքում են Նրան, թողնում մենակ։ Այդ ողբերգությունը ոչ միայն անհատ է ապրում, այլեւ, ինչպես մարդկության պատմությունն է վկայում, նաեւ ամբողջական ազդեց ու ժողովուրդներ, տոհմեր ու համայնքներ։



Էլ Գրեկո (1541–1614)

զարմանալի հնչեղություն ունի, խորապես ապրվածություն։ Ինչպես այդ շրջանի շատ նկարիչներ, Էլ Գրեկոն նույնպես քաջատեղյակ էր գույների սիմվոլիկային։ Այն, որ թե միջնադարյան եւ թե վերածննդի նկարիչները մտածել են նաեւ խորհրդանշելով, ակնհայտ է դառնում, երբ ուսումնասիրում ենք հենց թեկու՝ «Գեթսեմանիի աղոթքին» անդրադարձած նկարիչների գունանկարները։ Համարյա բոլոր նկարիչները Տիրոջը պատկերել են կարմիր պա-

րեզոտով (հուն․՝ քիտոն, հռոմ․՝ տունիկա) կամ թիկնոցով, երբ հայտնի է, որ դեռեւս Հիսուսի ժամանակներում դրանք լինում էին դարչնագույն, դեղնավուն, թուխ կամ սպիտակ ու կապույտ զուլերով, բայց ոչ երբեք՝ կարմիր։ Քրիստոնեական մշակույթում կարմիրը համարվում է զոհաբերության խորհրդանշ, եւ հենց այս նպատակով էլ նկարիչներն ավանդական կապույտի փոխարեն (խորհրդանշելով ընդհանրական համակարգում կապույտը համարվում է մահւ հավատի, հոգեւոր կյանքի մշան. պետք է նկատել, որ Էլ Տիրոջը, Էլ Տիրամորը հիմնականում պատկերել են կապույտների մեջ, եթե ոչ հագուստը, ապա թիկնոցը (Հիսուսի) կամ գլխաշորը (Տիրամոր) «Գեթսեմանիի աղոթքի» պատկերներում Տիրոջը կարմիր են «հագցրել»։

Էլ Գրեկոյի կտավներում եւս Հիսուս Քրիստոսը կարմրագոյն է, իսկ ծնկների տակ ընկած թիկնոցը՝ կապտամոխրագույն (մոխրագույնը հնազանդության եւ աշխարհից հրաժարումի խորհուրդ ունի)։ Կտավի առաջին պլանում պատկերված է Տերը՝ մեկ ոտքի վրա ծնկած, ձեռքերի դիրքը եւ հայացքը ժեստերի լեզվով արտահայտում են՝ «հոժար եմ»։ Հայացքն ուղղված է դիմացի բարձունքին կանգնած դեղնագոյն (դեղինը մահւ մահվան խորհրդանշ է) հրեշտակին, որի ձեռքին մահաբեր ոսկե գավաթն է։ Թիկնոքին հսկա ժայռաբեկոր է, որից անդին պատկերված է մառախլապատ երկինքը, որի մեջ երեւացող լուսինը (վերածնության, անմահության խորհրդանշ) հավերժա-

պիսի նկարիչ, ինչպիսին էլ Գրեկոն էր, հազիվ թե չհասկանար, որ ուշ երեկոյան, երբ արդեն երկնականարի մի կողմում հստակորեն իշխում է լուսնի թագավորությունը, մյուս կողմում իր դիրքերը չի կարող չլքել ցերեկային լուսինը առավել լույսը։ Սակայն այս լույսը Հոր ուժականությունն է, Նրա ներկայությունը Որդու կողքին։ Նկարչի կտավի ողջ ողբերգականությունն ու լույսը խոսում են այն



Էլ Գրեկո (1834–1890)

մասին, որ երբ բոլորը եւ նույնիսկ ողջ աշխարհը լքում են քեզ, միեւնույն է, դու մենակ չես. Աստված միշտ քեզ հետ է։

Ավետարանական սյուժեի բարդ ու ընդգրկուն պատկեր ստեղծելուն զուգընթաց արեւմտաեվրոպական շատ նկարիչներ (Անջելիկո Բիաթոյից մինչեւ Կարլ Բլոխ) իրենց գործերի կոմպոզիցիան նախընտրել են ստեղծել սոսկ պատումի մեկ՝ աղոթող Տիրոջը եւ Նրան ուժ տվող հրեշտակի դրվագի պատկերումով՝ շեշտը դնելով Հիսուսի ապրումների, հոգեբանական վիճակի վրա՝ իրենց կրոնական ապրումների, պատկերացումների ու մեկնումների առավել կամ պակաս դրսևորումներից ելնելով։

Ավելի ուշ՝ արդեն 19-րդ դարում, այս թեմային անդրադարձան նաեւ ռուս նկարիչները՝ «Աղոթքը» դարձնելով առավելապես իրենց ժամանակների հասարակական ու քաղաքական, մարդկային ու ընկերային հարաբերությունների բանալի՝ վեր հանելու համար արարող ու մաքառող, ազատամիտ ու ազատատենչ անհատի եւ հասարակության հարաբերությունների՝ հաճախ նաեւ ողբերգական մոտիվը։

Շարունակելի

Աստղիկ ՍՏԱՄԲՈՆՅԱՆ

ՔՐԻՍՏՈՆՅԱՆ ՀԱՅԱՍՏԱՆ

Կրոնական, մշակութային, լրատվական երկշաբաթաթերթ
Հիմնադիր՝
 Մայր Աթոռ Սուրբ Էջմիածին
Հրատարակիչ՝
 «Քրիստոնյա Հայաստան»
 թերթի խմբագրություն
Գլխավոր խմբագիր՝
 Աստղիկ Ստամբոնյան
Գրանցման վկայական՝ 624
Խմբագրության հասցեն՝
 Մայր Աթոռ Սուրբ Էջմիածին
Հեռախոս՝ 517197
Էլ. փոստ՝ qristhay@etchmiadzin.am
 astghikstam@gmail.com
web կայք՝
 krishayas.wordpress.com
 Ստոր. տպագր. 15.11.2018 թ.
Տպաքանակը՝ 1175